

文淵閣
四庫全書
電子版



【史部】



翰苑群書



迪志文化出版有限公司 出版
迪志文化出版有限公司爲宜高科技集團成員

《文淵閣四庫全書電子書：翰苑群書》

出版：迪志文化出版有限公司
地址：香港中環皇后大道中99號中環中心29樓
電話：(+852) 2735 1263
傳真：(+852) 2730 8686
網址：<http://www.dheritage.com>
電郵：dvm.customer@dvm.com.hk
客戶服務熱線：(+852) 2302 3043

2001年7月初版

版權所有，請勿翻印

Copyright (C) 2000 Digital Heritage Publishing
All rights reserved. No part of this book shall be reproduced, stored in a retrieval system, or transmitted by any means, electronic, mechanical, photocopying, recording, or otherwise, without written permission from the publisher.

迪志電子書坊

下載電子書，訂購 Print On Demand 版本，請瀏覽迪志電子書坊。

網址：<http://www.digiebooks.com>

文淵閣四庫全書電子版

欽定四庫全書	史部十二
翰苑羣書目錄	職官類一 官制之屬
卷一	
李肇翰林志	
卷二	
元稹承旨學士院記	
卷三	
韋處厚翰林學士記	
欽定四庫全書 翰苑群書 目錄	
卷四	
韋執誼翰林院故事	
卷五	
楊鉅翰林學士院舊規	
卷六	
丁居晦重修承旨學士壁記	
卷七	
李昉禁林讌會集	



迪志文化出版有限公司出版

文淵閣四庫全書電子版

卷八	
蘇易簡續翰林志	
卷九	
蘇耆次續翰林志	
卷十	
學士年表	
卷十一	
翰苑題名	
欽定四庫全書 翰苑群書 目錄	
卷十二	
翰苑遺事	
臣等謹案翰苑羣書十二卷宋學士承旨洪遵編後有乾道九年遵題記陳振孫書錄解題曰自李肇而下十一家及年表中興後題名共為一書此本所載為李肇翰林志元稹承旨學士院記韋處厚翰林學士記韋執誼翰林院故事楊鉅翰林學士院舊規丁居晦	



迪志文化出版有限公司出版

文淵閣四庫全書電子版

重修承旨學士壁記李昉禁林宴會集蘇易	欽定四庫全書
簡續翰林志蘇耆次續翰林志學士年表翰	翰苑群書
苑題名翰苑遺事凡十二種其遺事為遵所	目錄
續年表題名之外所收不過九家與振孫所	
記不合案文獻通考所載尚有唐張著翰林	
盛事宋李宗諤翰苑襍記若合此二家正足	
十一家之數殆原本有之而今佚也其書於	
歷代翰林典故頗為詳贍足資考覆錄之以	
備職官類之一種焉乾隆四十二年八月恭	
校上	
總纂官 臣 紀昀 臣 陸錫熊 臣 孫士毅	
總校官 臣 陸 費 墀	

文淵閣四庫全書電子版

欽定四庫全書	欽定四庫全書
翰苑羣書卷一	翰苑群書
李肇翰林志	卷一
宋 洪遵 編	
昔宋昌有言曰所言公公言之所言私王者無私夫翰	
林為樞機宥密之地有所慎者事之微也若制置任用	
則非王者之私漢制尚書郎主作文書起草更直於建	
禮門內臺給青縑白綾或以錦被帷帳氍毹畫通中枕	
大官供食湯官供餅餌五熟果五日一美食下天子一	
等建禮門內得神仙門神仙門內得光明殿神仙殿自	
門下省中書省蓋比今翰林之制略同而所掌輕也漢	
武帝時嚴助朱買臣吾丘壽王司馬相如東方朔枚臯	
之徒皆在左右是時朝廷多事中外論難大臣數詘亦	
其事也唐興太宗始於秦王府開文學館擢房玄齡杜	
如晦一十八人皆以本官兼學士給五品珍膳分為三	
番更直宿於閣下討論墳典時人謂之登瀛洲貞觀初	
置弘文館學士聽朝之隙引入大內殿講論文義商較	



迪志文化出版有限公司出版



迪志文化出版有限公司出版

文淵閣四庫全書電子版

時政或夜分而罷至玄宗置麗正殿學士名儒大臣皆在其中後改為集賢殿亦草書詔至翰林置學士集賢書詔乃罷初國朝修陳故事有中書舍人六員專掌詔誥雖曰禁省猶非密切故温大雅魏徵李百藥岑文本褚遂良許敬宗上官儀時召草制未有名號乾封已後始曰北門學士劉懿之劉祿之周思茂元萬頃范履冰為之則天朝蘇味道韋承慶其後上官昭容獨掌其事睿宗則蘇稷賈膺福崔湜玄宗初改為翰林待詔張說

欽定四庫全書



翰苑群書
卷一

陸堅張九齡徐安貞相繼為之改為翰林供奉開元二十六年劉光謹張垧乃為學士始別建學士院於翰林院之南又有韓紘閻伯輿孟庄朝陳兼李白蔣鎮在舊翰林院雖有其名不職其事至德宗已後翰林始兼學士之名代宗時李泌為學士而今壁記不列名氏蓋以不職事之故也

按六典中書掌詔旨制敕璽書冊命皆案典故起草進書其禁有四一曰漏洩二曰稽緩三曰遺失四曰忘誤



迪志文化出版有限公司出版

文淵閣四庫全書電子版

所以重王命也制敕既行有誤則奏而正之凡王言之制有七一曰冊書立后建嫡封樹藩屏寵命尊賢臨軒備禮則用之二曰制書行大典賞罰授大官爵釐革舊政赦宥降虜則用之三曰慰勞制書褒贊賢能勸勉遣勞則用之四曰發白敕增減官員廢置州縣徵兵發馬除免官爵授六品已下官處流已上罪並用之五曰敕旨為百司承旨而為程式奏事請施行者六曰論事敕書慰諭公卿誠約臣下則用之七曰敕牒隨事承旨不

欽定四庫全書



翰苑群書
卷一

易舊典則用之又答疏於王公則用皇帝行寶勞來勲賢則用皇帝之寶徵召臣下則用皇帝信寶答四夷書則用天子行寶撫慰蠻夷則用天子之寶發蕃國兵則用天子信寶並甲令之定制也近朝大事直出中禁不由兩省不用六寶並從權也元和初置書詔印學士院主之凡赦書德音立后建儲大誅討免三公宰相命將曰制並用白麻紙不用印雙日起早候閣門鑰入而後進書隻日百寮立班於宣政殿樞密使引案自東上閣



迪志文化出版有限公司出版

文淵閣四庫全書電子版

門出若謫宰相則付通事舍人矩步而宣之機務要速亦用雙日甚者雖休暇追朝而出之凡賜與徵召宣索處分曰詔用白藤紙凡慰軍旅用黃麻紙並印凡批答表疏不用印凡太清宮道觀薦告詞文用青藤紙朱字謂之青詞凡諸陵薦告上表內道觀歎道文並用白麻紙雜詞祭文禁軍號並進本

凡將相告身用金花五色綾紙所司印凡吐蕃贊普書及別錄用金花五色綾紙上白檀香木真珠瑟瑟鈿函

欽定四庫全書



翰苑群書
卷一

銀鑲回紇可汗新羅渤海王書及別錄並用金花五色綾紙次白檀香木瑟瑟函銀鑲諸蕃軍長吐蕃宰相回紇內外宰相摩尼已下書及別錄並用五色麻紙紫檀木鈿函銀鑲並不用印南詔及大將軍清平官書用黃麻紙出付中書奉行却送院封函與回紇同凡畫而不行者藏之函而不用者納之

凡參議奏論撰述注釋無定名奏復無晝夜凡徵天下草澤之士臨軒策試則議科設問覆定與奪凡受宣有

文淵閣四庫全書電子版

堂歷日記有承旨簿記大抵四者之禁無殊而漏泄之禁為急天寶十二載安祿山來朝玄宗欲加同中書門下平章事命張垚草制不行及其去也快快滋甚楊國忠曰此垚告之也遂貶盧溪郡司馬兄均建安郡太守弟叔宜春郡司馬

德宗雅尚文學注意是選乘輿每幸學士院顧問錫賚無所不至御饌珍肴輟而賜之又嘗召對於浴堂移院於金鑾殿對御起草詩賦唱和或旬日不出吳通微昆

欽定四庫全書



翰苑群書
卷一

李同時擢用與陸贄爭恩不叶甚於水火天下醜之貞元三年贄上疏曰伏詳令式及國朝典故凡有詔令由於中書如或墨制施行所司不須承受蓋所以示王者無私之義為國家不易之規貞觀中有學士一十八人太宗聽朝之餘但與講論墳籍時務得失悉不相干實錄之中具載其事玄宗末方置翰林張垚因緣國親特承寵遇當時之議以為非宜然止於唱和文章批答表疏其於樞密輒不預知肅宗在靈武鳳翔事多草創



迪志文化出版有限公司出版



迪志文化出版有限公司出版

文淵閣四庫全書電子版

權宜濟急遂破舊章翰林之中始掌書詔因循未革以至於今歲月滋深漸逾職分頃者物議尤所不平皆云學士是天子私人侵敗綱紀致使聖代虧至公之體宰臣有備位之名陛下若俯順人情大革前弊凡在詔敕悉歸中書遠近聞之必稱至當若未能變改且欲因循則學士年月較深稍稍替換一者謗議不積二者氣力不衰君臣之間庶全終始事關國體不合不言疏奏不納雖徵據錯謬然識者以為知言貞元末其任益重時人謂之內相而上多疑忌動必拘防有守官十三考而不遷故當時言內職者多榮滯相半及順宗不豫儲位未立王叔文起於非類竊學士之名內連牛美人李忠言外結姦黨取兵柄弄神器天下震駭是時鄭綱為內庭之老首定大計今上即位授綱中書侍郎平章事初姜公輔行在命相乃就第而拜之至李吉甫除中書侍郎平章事適與裴垪同直垪草吉甫制吉甫草武元衡制垂簾揮翰兩不相知至暮吉甫有歎惋之聲垪終

欽定四庫全書



翰苑群書
卷一



迪志文化出版有限公司出版

文淵閣四庫全書電子版

不言書麻尾之後乃相慶賀禮絕之敬生於座中及明院中使學士送至銀臺門而相府官吏候於門外禁署之盛未之有也
凡學士無定員皆以他官充下自校書郎上及諸曹尚書皆為之所入與班行絕跡不拘本司不繫朝謁常參官二周為滿歲則遷知制誥一周歲為遷官則奏就本司判記上月日北省官宰相送南省官給舍丞郎送上興元元年勅翰林學士朝服序班宜准諸司官知制誥例凡初遷者中書門下召令右銀臺門候旨其日入院試制書答共三首詩一首自張仲素後加賦一首試畢封進可者翌日受宣乃定事下中書門下於麟德殿候對本院賜宴營幕使宿設帳幕圖褥尚食供饌酒坊使供美酒是為勅設序立拜恩訖候就宴又賜衣一副絹三十疋飛龍司借馬一疋旬日人進文一軸內庫給青綺錦被青綺方褥青綾單帕漆通中枕銅鏡漆奩象篋大小象梳漆箱銅掌羅銅觥椀紫絲履白布手巾畫木

欽定四庫全書



翰苑群書
卷一



迪志文化出版有限公司出版

文淵閣四庫全書電子版

架牀鑪銅案席氍毹之類畢備內諸司供膳飲之物主膳四人掌之內園官一戶三人以供使令其所乘馬送迎於擬仗門內橫門之西度支月給手力資四人人錢三千五百四品已上加一人每歲內賜春服物三十疋暑服三十疋絲七屯寒食節料物三十疋酒飴杏酪粥屑飲啖清明火二社蒸饅端午衣一副金花銀器一事百索一軸青團鏤竹大扇一柄角糴三服紗蜜重陽酒糖糕粉冬至歲酒兔野雞其餘時果新茗瓜新曆是為

欽定四庫全書
翰苑群書
卷一

經制直日就頒授下直就第賜之凡內宴坐次宰相坐居一品班之上別賜酒食珍果與宰相同賜帛二十疋金花銀器一事貞元四年敕晦日上已重陽三節百寮宴樂翰林學士每節賜錢一百千其日奏選勝而會賜酒脯茶果明年廢晦日置中和節宴樂如之非凶年旱歲兵革則每歲為常

凡正冬至不受朝俱入進名奉賀大忌進名奉慰其日尚食供素饌賜茶十串



迪志文化出版有限公司出版

文淵閣四庫全書電子版

凡郊廟大禮乘輿行幸皆設幕次於御幄之側侍從親近人臣第一御舍元殿丹鳳樓則二人於宮中乘馬引駕出殿門徐出就班大慶賀則俱出就班

凡當直之次自給舍丞郎入者三直無僦自起居御史郎官入五直一僦其餘雜入者十直三僦新遷官一直報僦名於次之中減半著為別條例題於北壁之西閣凡交直候內朝之退不過辰已入者先之出者後之直者疏數視人之眾寡事之勞逸隨時之動靜凡節國忌授衣二分旬假之令不霑有不時而集併夜而宿者或內務不至外喧已寂可以探窮理性養浩然之氣故前輩傳楞伽經一本函在屋壁每下直出門相謔謂之小三昧出銀臺乘馬謂之大三昧如釋氏之去纏縛而自在也北廳前階有花磚道冬中日及五磚為入直之候李程性懶好晚入恒過八磚乃至眾呼為八磚學士元和已後院長一人別敕承旨或密受顧問獨召對敷居北壁之東閣號為承旨閣子其屋棟別列名焉故事

欽定四庫全書
翰苑群書
卷一



迪志文化出版有限公司出版

文淵閣四庫全書電子版

駕在大內即於明福門置院駕在興慶宮則於金明門內置院今在右銀臺之北第一門向闕榜曰翰林之門其制高大重複號為北門入門直西為學士院即開元二十六年所置也引鈴於外惟宣事入其北門為翰林院又北為少陽院東屋三院西廂之結麟樓南西並禁軍署有高品使二人知院事每日晚執事於思政殿退而傳旨小使衣綠黃青者逮至十人更番守曹南廳五間本學士駙馬都尉張垆飾為公主堂今東西間前架高品使居之中架為藏書南庫西三間前架中三洞各設榻受制旨印書詔二時會食之所四壁列制敕條例名數其中使置博局一印櫃中間為北一戶架東西各二間學士居壁之出北門橫屋六間當北廳通廊東西二間為藏書北庫其二庫書各有錄約八千卷小使主之西三間書官居之號曰待制北廳五間東一間是承旨閣子並學士雜處之題記名氏於壁者自呂向始建中已後年月遷換乃為周悉南北二廳皆有懸鈴以示呼

欽定四庫全書



翰苑群書
卷一



迪志文化出版有限公司出版

文淵閣四庫全書電子版

召前庭之南橫屋七間小使居之分主案牘詔草紙筆之類又西南為高品使之馬廐北為寶庫之北小板廊抵於北廳西舍之南其一門待詔戴小平嘗處其中死而復生因敞為南向之宇畫山水樹石號為畫堂次二間貯遠歲詔草及制舉詞策又北迴而東並待詔居之又東盡於東垣為典主堂待詔之職執筆硯以俟書寫多至五六員其選以能不以地故未嘗用士人自王伾得志優給頗厚率三歲一轉官有至四品登朝者虛廊曲壁多畫怪石松屋北廳之西南小樓王涯率人為之院內古槐松玉蘂藥樹柿子木瓜菴羅峒山桃李杏櫻桃紫薔薇辛夷蒲萄冬青玫瑰凌霄牡丹山丹芍藥石竹紫花蕪菁青菊當陸莢葵萱草紫苑署學士至者雜植其間殆至繁隘元和十二年肇自監察御史入明年四月改左補闕依舊職守中書舍人張仲素祠部郎中知制誥段文昌司勳員外郎杜元穎司門員外郎沈傳師在焉是時睿聖文武皇帝裂海岱十二州為三道之

欽定四庫全書



翰苑群書
卷一



迪志文化出版有限公司出版

文淵閣四庫全書電子版

歲時以居翰苑皆謂凌玉清邈紫霄豈止於登瀛州哉
亦曰登玉署玉堂焉

欽定四庫全書



翰苑群書
卷一

翰苑羣書卷一



迪志文化出版有限公司出版

文淵閣四庫全書電子版

欽定四庫全書

翰苑羣書卷二

宋 洪遵 編

元稹承旨學士院記

舊制學士無得以承旨為名者應對顧問旅次班第以
官為上下憲宗章武孝皇帝以永貞元年即大位始命
鄭公綢為承旨學士位在諸學士上居在東第一閣乘
輿奉郊廟輒得乘廐馬自浴殿由內朝以從揭雞竿布
大澤則升丹鳳之西南隅外賓客進見於麟德則止直
禁中以俟凡大誥令大廢置丞相之密畫內外之密奏
上之所甚注意者莫不專受專對他人無得而參非自
異也法不當言用是十七年之間由鄭至杜十一人而
九參天政其不至者衛公詔及門而返事適然也
傳其事至於張則弄相印以俟其病間者久之卒不興命
也已若此則安可以昧陋不肖之稹繼居九丞相二名
卿之後乎俛仰瞻睹如遭大賓每自誨其心曰以若之
不俊不明而又使欲惡歌曲攻於內且決事於冥冥之

欽定四庫全書



翰苑群書
卷二



迪志文化出版有限公司出版

文淵閣四庫全書電子版

中無暴揚報效之慮遂忿行私易也然而陰潛之神必有記善惡之餘者以君父之遇若如是而猶舉枉措直可乎哉使若之心忽而為他人盡數若之所為而終不自愧乃可矣昔魯恭王餘畫先賢於屋壁以自警臨我以十一賢之名氏豈直自警哉由是謹其遷授書於座隅長慶元年八月十日記

鄭綱貞元二十一年二月自司勳員外郎翰林學士拜中書舍人賜紫金魚袋充其年十月二十七日拜中書

欽定四庫全書



翰苑群書
卷二

侍郎同中書門下平章事集賢殿大學士

李吉甫永貞元年十二月二十四日自考功郎中知制誥入院二十七日正除仍賜紫金魚袋充元和元年加銀青光祿大夫二年正月二十一日拜中書侍郎同中書門下平章事

裴埒元和二年四月十六日自考功郎中知制誥翰林學士賜紫金魚袋拜中書舍人充三年四月二十五日出院拜戶部侍郎其年冬拜中書侍郎平章事

文淵閣四庫全書電子版

衛次公元和三年六月二十五日以兵部侍郎入院充七月二十三日加知制誥四年三月改太子賓客出院後拜淮南節度使

李絳元和四年四月十七日自主客員外郎翰林學士拜司勳員外郎知制誥充五月十九日賜紫金魚袋五年五月五日遷司勳郎中知制誥十二月正除六年二月二十七日出院拜戶部侍郎其年十月拜中書侍郎平章事

欽定四庫全書



翰苑群書
卷二

崔羣元和六年二月四日以庫部郎中知制誥翰林學士賜緋魚袋充七年四月二十九日正除九年六月二十六日出院拜戶部侍郎十二月拜中書侍郎平章事王涯元和十一年正月十八日以中書舍人入院充二十四日賜紫金魚袋十月十七日拜工部侍郎知制誥十二月十九日拜中書侍郎同中書門下平章事令狐楚元和十二年二月二十四日以職方郎中知制誥翰林學士賜緋魚袋充三月二十日正除八月四日



迪志文化出版有限公司出版



迪志文化出版有限公司出版

文淵閣四庫全書電子版

出守本官後自河陽節度拜中書侍郎平章事

張仲素元和十三年二月十八日以司封郎中知制誥

翰林學士仍賜紫金魚袋十四年三月二十八日正除

其年卒官贈禮部侍郎

段文昌元和十五年閏正月一日以中書舍人翰林學

士與杜元穎同承旨仍賜紫金魚袋八月拜中書侍郎

同中書門下平章事

杜元穎元和十五年閏正月一日以司勳員外郎翰林

欽定四庫全書

翰苑群書
卷二

學士充賜紫金魚袋二十一日正除十一月十七日拜

戶部侍郎知制誥長慶元年二月十五日以本官同中

書門下平章事

元稹長慶元年二月十六日自祠部郎中知制誥行中

書舍人翰林學士仍賜紫金魚袋其年十月十九日拜

工部侍郎出院二年二月拜本官平章事

李德裕長慶元年正月二十九日以考功郎中知制誥

翰林學士賜緋魚袋二月四日遷中書舍人充餘如故

文淵閣四庫全書電子版

十九日改御史中丞出院

李紳長慶二年二月十九日自司勳員外郎知制誥翰

林學士賜緋魚袋遷中書舍人充二十三日賜紫金魚

袋三年三月二十七日改御史中丞出院

韋處厚長慶四年二月十三日以侍講學士權知兵部

侍郎知制誥賜紫金魚袋為翰林學士充十月十四日

正拜兵部侍郎餘如故寶曆元年十二月十七日拜中

書侍郎平章事

欽定四庫全書

翰苑群書
卷二

翰苑羣書卷二



迪志文化出版有限公司出版



迪志文化出版有限公司出版

文淵閣四庫全書電子版

欽定四庫全書

翰苑羣書卷三

宋 洪遵 編

韋處厚翰林學士記

魏晉已後典綜機密政本中書詔命辭訓皆必由焉唐有天下因襲前代爰自武德時有密命則溫大雅魏徵李百藥岑文本之屬視草禁中乾封則劉懿之周思茂范履冰之倫秉筆便坐自此始號北門學士皆自外召入未列秘書玄宗開廣視聽搜延俊賢始命張說陸堅張九齡徐安貞輩待詔翰林厥後錫以學士之稱蓋由德成而上與夫數術曲藝禮有所異也逮自至德台輔伊說之命將壇出車之誥霈洽天壤之澤導揚顧命之重議不及中書矣尺一旁午章奏聚至指縱命中之略謀猷幃幄之祕陰隲造化嘉猷密勿制萌乎將然事構乎無形皆歸元后而播興運循名跡者莫窺其轍想風彩者罔究其端誰然誰否無得而稱矣貞元中由此而居輔弼者十有二焉元和中由此而膺大用者十有六

欽定四庫全書

翰苑羣書
卷三



迪志文化出版有限公司出版

文淵閣四庫全書電子版

焉近日丞相府不由內庭者斷國論宰法度雖有利器長材未免缺折掉撓建中以來簡拔尤重故必密如孔光博如延州文如卿雲學如歆向器如黃顏直如史魚然後得中第士之遊心處已景行於六如者而又飾之以潔瑋璋之行貫金石之誠雖潛聲匿迹莫能脫口漢時始置尚書郎五人平天下奏議分直建禮含香握蘭居錦帳食大官則今之翰林名異而實同也時論以為登玉清翔紫霄豈蓬山瀛洲而足喻乎齊桓納廢人編棧之說以為直木傳直則曲無由至曲木傳曲則直無由至後之君子戴明聖協盛時推廢人之規矩乎引賢使如貫珠駢璧則瑕瑜不雜矣內給事李常暉內謁者將王士玖並掌院事近乎十年與直徇公之議聆於中書舍人杜元穎兵部侍郎沈傳師洎諸學士皆涉歷歲久備乎前聞者也李常暉以北閣舊記室別堵殊義非貫通改於前廳時以為便上聖紹復墜典留神太古處厚與司勳郎中路隋職參侍講通籍近署紀述之事前

欽定四庫全書

翰苑羣書
卷三



迪志文化出版有限公司出版

文淵閣四庫全書電子版

託沈傳師沈公以為稱善之在已不若使其在人讓于處厚固陋無以辭時皇帝統臨四海之初元也

欽定四庫全書



翰苑群書
卷三

翰苑羣書卷三



迪志文化出版有限公司出版

文淵閣四庫全書電子版

欽定四庫全書

翰苑羣書卷四

宋 洪遵 編

韋執誼翰林院故事

翰林院者在銀臺門內麟德殿西重廊之後蓋天下以藝能伎術見召者之所處也學士院者開元二十六年之所置在翰林院之南別戶東向考視前代即無舊名貞觀中祕書監虞世南等十八人或秦府故寮或當時才彥皆以弘文館學士會於禁中內參謀猷延引講習

欽定四庫全書



翰苑群書
卷四

出侍輿輦入陪宴私十數年間多至公輔當時號為十八學士其後永徽中黃門侍郎顧琮復有麗正之稱開元初中書令張說等又有集仙之目皆用討論未有典司玄宗以四奧大同萬樞委積詔勅文誥悉由中書或慮當劇而不周務速而時滯宜有偏掌列於宮中承導通言以通密命由是始選朝官有詞藝學識者入居翰林供奉別旨於是中書舍人呂向諫議大夫尹愔首充焉雖有密近之殊然亦未定名制詔書敕猶或分在集



迪志文化出版有限公司出版

文淵閣四庫全書電子版

賢時中書舍人張九齡中書侍郎徐安貞等迭居其職皆被恩遇至二十六年始以翰林供奉改稱學士由是遂建學士俾專內命太常少卿張垚起居舍人劉光謙等首居之而集賢所掌於是罷息自後給事中張淑中書舍人張漸竇華等相繼而入焉其外有韓翃閻伯璵孟匡朝陳兼蔣鎮李白等在舊翰林中但假其名而無所職至德以後軍國務殷其入直者並以文詞共掌誥敕自此北翰林院始無學士之名其後又置東翰林院於金鑾殿之西隨上所在而遷取其便穩大抵召入者一二人或三四人或五六人出於所命蓋無定數亦有鴻生碩學經術優長訪對質疑主之所禮者頗列其中崇儒也初自德宗建置以來秩序未立廷覲之際各趨本列暨貞元元年九月始有別敕令明預班列與諸司官知制誥同列故事中書以黃白二麻為綸命重輕之辨近者所出獨得用黃麻其白麻皆在北院自非國之重事拜授將相德音赦宥則不得由於斯稽夫發揮大

欽定四庫全書



翰苑群書
卷四



迪志文化出版有限公司出版

文淵閣四庫全書電子版

猷藻繪上命隻簡片削可以動乎人神風行四方萬里始覲非制誥之謂歟蓋人君深拱端默於穆清之中茫茫九區視聽不及雖堯德舜智湯明禹哲不能庭策以朝告不能家閱以戶臻必欲忘典謨掩訓誓陰諭於天下密符於胷襟洪荒以還所蔑聞也故議定於內而事修於外言發於上而旨達於人微乎斯百度闕矣況此院之置尤為近切左接寢殿右瞻彤樓晨趨瑣闥夕宿嚴衛密之至也驂鑣得御殿之駿出入有內使之導豐餽潔膳取給大官衾裯服御資於中庫恩之厚也備待顧問辨駁是非典持縑牘受遣羣務凡一得失動為臧否職之重也若非謹恪而有立秉貞而通理俾又樞要簡於帝心言不及溫樹之名慎不遺轅馬之數處是職者不亦難乎至於強學修詞刀筆應用或久洽通儒之望或早升文墨之科雖必有之乃餘事也自立院已往五紀於茲連飛繼鳴數逾三十而屋壁之間寂無其文遺草簡略於枿編求名時得於邦老溫故之義於斯闕

欽定四庫全書



翰苑群書
卷四



迪志文化出版有限公司出版

文淵閣四庫全書電子版

如羣公以執誼入院之時最為後進紀敘前輩便於列詞收遺補亡敢有多讓其先後歲月訪而未詳獨以官秩名氏之次述於故事庶後至者編繼有倫貞元二年龍集景寅冬十月記											
開元已後											
呂向	自中人充供奉出為工侍	尹愔	自大諫充供奉	張洎	自太常卿充貶盧谿郡司馬	張漸	自中人充	張淑	自給中充		
劉光謙	自起人充累改司中又充	張垪	自太常卿充貶	張漸	自中人充	張淑	自給中充	張淑	自給中充		
欽定四庫全書  翰苑群書 卷四											
賈華	自中人充	裴士淹	自給中充出為禮侍	至德已後	董晉	自校書郎充出為汾州司馬	蘇元明	自中人充	潘炎	自五驍衛兵曹充累改駕中	
寶應已後											
常袞	自補闕充遷考中又充出知制誥	柳伋	自校書郎充出鄂縣尉改太博又充兵外	于益	自駕部員外充大諫又充卒	于可封	自補闕充出為司業	趙昂	自太博充祠外又充卒於駕外	潘炎	自五驍衛兵曹充累改駕中



迪志文化出版有限公司出版

文淵閣四庫全書電子版

張涉 請恭太子廟丞充遷左省常侍又充卒									
建中已後									
張周	自洛陽尉充改河南縣丞又充	姜公輔	自拾遺充改京兆府尹	趙宗儒	拾遺充屯外又充出守本官	歸崇敬	司業充常侍又充	陸贄	自中人充考中又充大諫又充
貞元已後									
欽定四庫全書 翰苑群書 卷四									
吳通微	金外充職中又充知誥又充賜紫改大諫又充與通玄是兄弟	吳通玄	侍御史充起人又充又知制誥又賜紫又充大諫充並同年月日授	顧少連	水外充禮中充又充為人充出為戶侍	吳陟	病起郎充	吉中孚	司封郎中知誥充大諫
韋執誼	拾遺充又知制誥又起人充	梁肅	補闕兼太子侍讀充	鄭綱	封外知誥充	衛次公	補闕內供奉充	鄭餘慶	庫中充
又充									
李程	察院充水外又充	王涯	藍田尉充補闕供奉又充	鄭綱	封外知誥充	衛次公	補闕內供奉充	鄭餘慶	庫中充
又充									



迪志文化出版有限公司出版

張聿	正字充拾遺又充	李建	校書郎拾遺充出為府司直
凌準	浙東判官充都外又充出判度支	王叔文	起人充出為度支副使
王伾	翰林待詔充改常侍賜紫	李吉甫	
裴垪			
元和已後			
李絳	東臺察院充水外又充中人又充出為戶侍改中書侍郎平章事		
崔羣	補闕充庫外又充禮部侍郎又充中人又充出為禮部侍郎		
白居易	蓋屋尉授集賢校理充拾遺又充京兆府戶曹又充		
欽定四庫全書 翰苑群書 卷四			
錢徽	左補闕充祠外又充中人又充出守本官	韋弘景	
獨孤郁	補闕充病拜秘書少監卒贈絳州刺史	蕭俛	駕中充又加知制誥出守本官
劉從周	補闕充卒贈禮部員外	徐晦	都外充賜緋封中
令狐楚	職外知誥充又賜緋又正郎充中人又充出守本官		
郭求	藍田尉授集賢校理充拾遺又充出守本官	王涯	中書舍人充又賜緋
段文昌	祠部員外充	張仲素	禮部員外充
杜元穎	太博充拾遺又充	沈傳師	補闕充
李肇	監察御史充		

欽定四庫全書 翰苑群書 卷四											
翰苑羣書卷四											



文淵閣四庫全書電子版

欽定四庫全書

翰苑羣書卷五

宋 洪遵 編

翰林學士院舊規

按閣下本作李愚唐志并崇文總目作楊鉅今以史為正

初入爆直例

諸行尚書三十五左右丞侍郎四十常侍諫議給事舍人四十五諸官知制誥五十如諫議知郎四十五太常少卿諸行郎中五十五諸行員外起居侍御史六十殿中補闕六十五監察拾遺太常博士七十五四赤令雜

欽定四庫全書

 翰苑羣書卷五

人入一百未升朝一百二十白身一百四十前資各加五直初入轉官三十直已後每轉一直改服色一直初知制誥三直已上過本直更爆一日每新人入五爆三直一點自後兩直一點兩人齊入即無點初入亦須酌量都爆直數足三直多少

草麻例

新入學士須見舊學士草麻了方合當制已後即據草制遠處即當制草第一第三

更有堆此

並以命官高卑不次



迪志文化出版有限公司出版

文淵閣四庫全書電子版

不繫學士官位如當制日遇將相名姓與私諱同者即請同直替草遠諱不在此限

草書詔例

唐天復三年七月二十一日學士柳璨准宣於思政殿對便令到院宣示待詔自今後寫勅書後面不得留空紙

號簿例

不得有行坐人字及諸凶惡文字及廟諱官諱事

欽定四庫全書

 翰苑羣書卷五

承旨歷

並先賢生狀若干道遣書詔事休上歷及署名並記官位次第不得記私事應入內草文書只言某乙准宣入內不得言所草文書仍須直書并州府去處以防宣索

判公廨例

在院最小學士判

書詔樣

凡外藩奏事專使若是都押衙都虞候即言都押衙都



迪志文化出版有限公司出版

文淵閣四庫全書電子版

虞候某乙至其餘一例言軍將某乙若是幕府官即一例言判官某乙至如是步奏官即言奏事官某乙至若是進奏官即空言省所奏如是自奏事回書即言具悉若因人奏事賜書詔即不言具悉詔內呼卿後定故茲詔示想宜知悉急詔便言故茲密詔便言故茲已下語及時候待詔院有例書內呼汝後言故茲示諭如賜諸蕃鎮將校及內外八鎮將校書則書頭具本職名賜諸王詔如是兄叔不呼名卿處改為王賜國舅詔官敕某官舅呼卿

欽定四庫全書
翰苑群書
卷五

處改呼舅如是國舅駙馬不繫官位高卑並賜詔近准中書記事國舅詔內捨族呼名諸王新婦只言某國夫人某氏若中書覆狀內有云中書門下行敕處分其詔語不得與覆狀詞同末云餘從別敕處分或命官宣示亦云今授某官已後從別敕處分賜節度使及三軍將士敕書云敕某乙三兩聯將士等及獎將士三宣慰事故具言意其除授節使或發兵尾云專遣某乙若賜官告即云宣賜下云云等往彼便令慰諭想宜知悉時候卿與將士各得平

文淵閣四庫全書電子版

安好參佐官僧道耆壽百姓並存問之遣書指不多及非節察不同參佐出師在外不問僧道已下

祠祭祈賽例

南郊維年月日嗣天子臣署敢昭告於昊天上帝之靈北郊嗣天子臣署敢昭告於五帝嗣天子臣署敢昭告於青帝之靈諸帝各依方色太廟稱孝子孝孫皇帝臣署敢昭告於云云及廟號並前項亦云敢昭告於

欽定四庫全書
翰苑群書
卷五

太社太稷各一本稱天子署敢昭告於太社之靈已上後尾並云伏惟尚饗

五嶽維年月日皇帝署遣某官某乙致祭於祈禱即云告賽謝即云昭賽於某王尾只云尚饗自新朝署各應例不署

東嶽天齊王 中嶽中天王 西嶽金天王 南嶽司天王 北嶽安天王

四瀆惟不御署其餘並同五嶽

江瀆廣源公 河瀆靈源公 淮瀆廣潤公 濟瀆清

源公	九宮貴神	太一 天一 攝提 咸池 軒轅 招搖 天符	青龍 太陰	已上並云年月朔嗣天子不稱臣謹遣某官某祭於某	貴神之靈尚饗	風師 雷師 雨師 諸星帝	北郊岳鎮海瀆 惟此一處皇帝祭其餘並同一板風神已下只云皇帝遣某致祭某之神尚饗	欽定四庫全書 翰苑群書 卷五	已上並是舊例為水旱災異祈禱處其諸色神祠特救	賽而臨臨時酌量輕重發遣	道門青詞例	維某年月歲次某月朔某日辰嗣皇帝臣 署 謹差某銜	威儀某大師賜紫某處奉依科儀修建某道場幾日謹	稽首上啓虛無自然元始天尊太上道君太上老君三	清衆聖十極靈仙天地水三官五嶽衆官三十六部衆	經三界官屬宮中大法師一切衆靈臣聞云云尾云謹
----	------	----------------------	-------	-----------------------	--------	--------------	--	-------------------------------	-----------------------	-------------	-------	--	-----------------------	-----------------------	-----------------------	-----------------------

詞	天皇大帝表 亦使表紙	維某年歲次某月朔某日嗣天子 署 謹醮告於天皇大帝伏以	北極尊神已下醮下 使白紙者	維年月同正嗣皇帝 署 謹致醮於北極尊神及日月七耀二十八宿諸位星辰等伏以 云云 尾尚饗	祭諸色神祇文 使白紙與北極文同時發遣	欽定四庫全書 翰苑群書 卷五	維年月日皇帝遣陰陽官某乙致祭於五嶽四瀆天曹	地府諸龍等 稱朕云云 尾尚饗	祭本命元神	維年月日皇帝遣陰陽官某乙致祭於本命元神 稱朕云云	尚饗	恩賜近例 不錄	皇帝遷歸西都應岳鎮海瀆名山大川及州府靈迹封	崇神祠祭告
---	---------------------------	---	------------------------------	--	-----------------------------------	-------------------------------	-----------------------	-------------------------------	-------	---	----	------------------------	-----------------------	-------



文淵閣四庫全書電子版

中嶽嵩山中天王	東嶽岱山天齊王兗州界	西嶽
華山金天王在華州	北嶽恒山安天王在定州界	
南嶽衡山司天王在衡州界		
北鎮醫無閭山廣寧公在營州界	西鎮吳山感德公	
在隴州界	東鎮沂山東安公在沂州界	南鎮會稽
山永興公在越州界	東海廣德王在萊州界	西海
廣潤王在河中界	南海寧邦王在廣州界	北海廣
澤王在孟州界	東瀆大淮廣潤公在泌州界	西瀆
欽定四庫全書 翰苑群書 卷五		
大河靈源公在河府界	北瀆大濟清源公在孟州界	
南瀆大江廣源公在廣都府界		
右前件一十七處准中書覆狀錄到勘同		
待詔院當院伏見舊例答蕃書并使紙及寶函		
等事例		
新羅渤海書頭云勅某國云王著姓名尾云卿比平安		
好遣書指不多及使五色金花白背紙次寶函封使印		
點戛斯書使紙并寶函與新羅一般書頭云勅點戛斯		



迪志文化出版有限公司出版

文淵閣四庫全書電子版

著姓名尾云卿比平安好遣書指不多及使印回鶻天		
睦可汗書頭云皇帝舅敬問回鶻天睦可汗外甥尾云		
想宜知悉時候卿比平安好將相及部族男女兼存問		
之	下同前使印如冊可汗即首云勅	
某王子外甥尾云問部族男女等	契丹書頭云勅契	
丹王阿保機尾云想宜知悉時候卿比平安好	下同點	
舊使黃麻紙平使印自為朝宣令使五色牋紙并使印		
及次寶鈿函封	自僭稱神號奏事多繫軍機所	牒牒書
頭云勅牒牒著姓名尾云想宜知悉時候卿比好否遣	賜中書內改例從權院中無樣	
欽定四庫全書 翰苑群書 卷五		
書不多及五色牋紙不使印退渾黨項蕃使首領書頭		
云勅與牒牒一般使黃麻紙不使印賜國舅詔	著姓名	
姓不著	諸州刺史書呼汝南詔驃信書頭云皇帝舅敬	呼新
問驃信外甥尾與回鶻書一般至不多及後具四相銜		
名書勅一般此一件是故待詔李部云僖宗在西川日		
曾行此書使白紙亦使印		
光院例		
承旨尚書左丞相制誥陸辰撰詞勝於玉堂貴調金戛		



迪志文化出版有限公司出版

文淵閣四庫全書電子版

解視草之煩勞出擁碧幢釋援毫之羈束固人臣之極致亦翰墨之殊榮至於察風俗於一方掌貨泉於三使其為書也抑又次焉各率金錢以光玉署列之如右

將相各三百千 使相五百千

觀察使三百千 度支使二百千

鹽鐵二百千 戶部一百千 制下一日送入院充公用

對見儀

大殿對蕃客承旨殿下祝聖德蹈舞訖喚上殿各奏事

欽定四庫全書 翰苑群書 卷五

如其日中候舞訖便出行例如初入上殿更曲謝殿上並不蹈舞先於殿西北隅立候客省奏某乙等到殿上云喚客省使遞聲云喚即鞠躬高唱喏趨至庭前立即拜拜即說承旨致詞又拜拜訖舞蹈舞蹈訖又拜如中謝便於本立處拜及舞蹈更不歸行小殿中謝並不喚上便出如賜服色却喚宣了拜且出服訖却入致詞謝非時詔及樓上祇候並拜了稱聖躬萬福便止不別致詞五月一日及大殿稱慶賀正至立仗准臺牒外赴班



迪志文化出版有限公司出版

文淵閣四庫全書電子版

即立於中書相公之後左省班前自為一班如有使相後進並同兩省回於中書見宰相 懋止並在客入院內應正至五月一日如不坐並齊入院進名奉賀具銜旨銜某乙等奉賀五月一日云起居大忌並齊入奉進名奉慰

沿革

大順二年十月宣每進畫詔書別錄小字本首留內承為定式乾寧三年加階爵止於進狀不中謝

舊例宰相及使相官告並使五色背綾金花紙節度使並使白綾金花紙命婦即金花羅紙乾寧二年十月李鋌自黔南節相改授京兆尹兩度諮報中書使白綾紙十一月渤海國王大璋諧勅書院中稱加官合是中書意諮報中書乾寧三年承旨膀子凡中書覆狀奉錢物如賜詔徵促但畧言色額其數目不在言但云並從別勅處分中書覆狀如云中書門下行勅其詔語不得與覆狀語同每降制抄小字錄一本送樞密院

學士請假

欽定四庫全書 翰苑群書 卷五



迪志文化出版有限公司出版

文淵閣四庫全書電子版

應學士請假七日一度奏經三奏即自奏即自進章表	陳某乙	乾寧四年二月十四日冊皇太子出就班賀禮畢又上	表賀并上皇太子牋	云某等叩頭伏承某伏惟殿下云 云謹奉牋陳賀某等叩頭謹牋年	月日承旨銜某等上牋	封題云具銜某等上牋	欽定四庫全書	翰苑群書 卷五	翰苑羣書卷五
-----------------------	-----	-----------------------	----------	--------------------------------	-----------	-----------	--------	------------	--------

文淵閣四庫全書電子版

欽定四庫全書	史部	翰苑羣書卷六	汪師曾	王家賓	陳炳	編修臣程嘉謨覆勘	詳校官太常寺少卿臣陳桂森
--------	----	--------	-----	-----	----	----------	--------------

文淵閣四庫全書電子版

欽定四庫全書

翰苑羣書卷六

宋 洪遵 編

丁居晦重修承旨學士壁記

尚書元稹承旨學士廳記舊題在東廡之右歲月滋久日爍雨潤牆屋罅缺文字昧沒不稱深嚴之地院使郭公王公皆以茂器精識參掌院事願是言曰吾儕釐務罄盡心力細大之事人謂無遺而茲獨未暇使衆賢名氏翳不光耀失之不治後誰治之遂占工賦程不日而

欽定四庫全書

翰苑羣書卷六

成峭學乎粉繪耀明玉粹雲輕隨顧而生貫列豪英千千萬齡無缺無傾工告休命予紀完葺之美舊記所載今皆不書開成表號之二年五月十四日記學士姓名此本據院中壁上寫並無大厯天寶學士姓名

開元後八人

呂向 中書舍人充供奉尹愔 諫議大夫充劉光謙 起居舍人出院拜工部侍郎張淑 給事中充張漸 中書舍人充賈華 中書舍人裴中封郎張垺 太常卿充張漸 中書舍人裴士淹 給事中充知制誥

文淵閣四庫全書電子版

至德後四人

相董晉

秘書省校書郎充于可封 補闕充遷禮部員外郎知蘇

源明

中書舍人充潘炎 右驍衛兵曹充累遷出守本官

寶應後六人

相常袞

右補闕充累加工部員外郎柳伉 秘書省校書郎充議大夫張涉 靖陵太子廟丞充累遷左李翰 左補于肅

依前充

張涉 散騎常侍依前充敕停

比部員外郎

充累遷考功郎中于益

建中後八人

欽定四庫全書

翰苑羣書卷六

張周

大厯十四年六月自洛陽縣尉充建中二年改河南府兵曹參軍興元二年六月除虢州司馬依前

充相姜公輔

建中元年自左拾遺充四年四月改京兆府戶曹參軍拜諫議大夫平章事相

趙宗儒

建中元年自左拾遺充四年加屯田歸崇敬建中元年自國子司業充四年遷左散騎常侍貞元七年六月除檢校戶部尚書兼本官七月遷正工部尚書依前

元年

除檢校戶部尚書兼本官七月遷正工部尚書依前

充八年

除檢校戶部尚書兼本官七月遷正工部尚書依前

年六月

遷議大夫十二月轉中書舍人貞元三年吳

丁憂

六年遷兵部侍郎又加知制誥七年出守本官吳

通微

建中四年自金部郎中充累遷吳通玄 建中四年

充累

遷起居舍人諫顧少連 建中四年自水部員外郎

議大夫

賜紫金魚袋顧少連 建中四年自水部員外郎



迪志文化出版有限公司出版



迪志文化出版有限公司出版

文淵閣四庫全書電子版

誥七年遷中書舍人八年四月 改戶部侍郎賜紫金魚袋出院		興元後二人		奚陟 興元元年自起 居郎充病免 吉中孚 興元元年自司封郎中知 制誥充六月改諫議大夫		貞元二年遷戶部侍郎出院		貞元後十二人		相韋執誼 貞元元年自左拾遺充二月加知 制誥賜緋魚袋遷起居舍人丁憂 梁肅 貞元七年 自左補闕充兼皇太子侍 讀守本官兼史館修撰 韋綬 貞元七年自左補闕 充十六年十月自左補闕 鄭綱 貞元八年自司勳員外郎知制誥充五月賜緋魚 袋二十一年二月二十二日遷中書舍人賜紫金		欽定四庫全書 翰苑群書 卷六		魚袋十二月拜中 書侍郎平章事 相鄭餘慶 貞元八年四月二十四日 五月二十八日遷工部 部侍郎知吏部選事 衛次公 貞元八年四月二十日自 二十二日加司勳員外郎 知制誥元和三年正月 權知中書舍人出院 相李程 貞元二十年九月二十 三月十七日加水部員外郎 貞元二十年九月二十 夫賜緋魚袋二年四月 年七月二十三日知制誥 其年出院授隨州刺史 張		聿 貞元二十年九月二十 散大夫賜緋魚袋二 年正月出守本官 李建 貞元二年十二月二十 年三月十七日遷左 凌準 貞元二十一年正月六日自 拾遺改詹事府司直	
------------------------------	--	-------	--	--	--	-------------	--	--------	--	---	--	----------------------	--	---	--	---	--

文淵閣四庫全書電子版

官員外郎五月九日 出守本官判度支 王叔文 貞元二十一年二月二十 十六日遷戶部侍郎餘 依前丁憂 依前充戶參軍 王		貞元二十一年二月二十 散騎常侍充貶開州司戶		永貞後二人		相李吉甫 永貞元年十二月二十四日自 制誥充二十七日遷中書舍人 賜紫金魚袋 元和元年十二月加銀青 二年正月正 相裴垪 永貞元年十月 月二十一日拜中書侍郎 平章事 遷考功郎中知制誥 日自考功員外郎充二十 七日加朝散大夫賜紫 二年四月 緋魚袋元和元年十一月 十六日遷中書舍人部 侍郎		欽定四庫全書 翰苑群書 卷六		元和後二十四人		相李絳 元和二年四月八日自 外郎四年四月十七日 加司勳員外郎知制誥 五月十九日遷中書舍人 賜紫五年五月五日加 司勳員外郎知制誥 十一月十一日加司勳 員外郎知制誥 戶部相崔羣 元和二年十一月六日 加庫部員外郎五月五日 侍郎 加庫部郎中知制誥 十二月二十六日遷左 拾遺五年五月五日改 三年四月 白居易 元和二年十一月六日 遷左拾遺五年五月五日 依前充丁憂 衛次公 元和三年六月二十五日 自權知 制誥四年三月出 錢徽 元和三年八月二十六日 院除太子賓客	
--	--	--------------------------	--	-------	--	--	--	----------------------	--	---------	--	--	--



迪志文化出版有限公司出版



迪志文化出版有限公司出版

文淵閣四庫全書電子版

年八月二十七日改充學士五年九月五日薛廷老和	改中書舍人七年十二月十七日出守本年九月十九	四年自御史充五年九月相李珣大和五年九月十九	四日改刑部員外郎出院	制誥充三月二十三日出院	年五月六日加承旨十九日遷戶部侍郎知制誥八月九	五日貶江相鄭章大和六年三月十四日自工部尚書	州刺史	史大夫相陳夷行大和七年自吏部員外郎充八月二	出院	侍讀八年九月六日賜緋七日遷諫議大夫九年二月	十六日罷侍讀開成元年五月二十二日改太常少卿	二月十九日兼太子侍讀郎知制誥八月七日賜紫二年	四月二十四日出守使相鄭涯大和七年九月七日加司勳	本官平章事	欽定四庫全書	員外郎十六日賜緋九年十一月十九日高重和十月七	加知制誥十二月十五日守本官出院	十二月十八日自國子祭酒充侍講學士九年元晦太和八年	九月十八日改御史大夫鄂岳觀察使九年八月柳公權	自殿中侍御史充九月十六日賜緋九年八月柳公權	二十日加庫部員外郎九月十一日出守本官	大和八年十月十五日自兵部郎中弘文館學士充侍	書學士九年九月十五日加知制誥充學士兼侍書開	成元年九月二十八日遷中書舍人二年四月改諫議	大夫知制誥三年九月十八日遷工部侍郎知制誥加	承旨五年三月九日丁居晦大和九年五月三日自起	加散騎常侍出院	十月十一日加司封郎中知制誥三年八月十四日遷中	月十一日加司封郎中知制誥三年八月十四日遷中	書舍人十一月十六日歸融大和九年八月一日自中書	日拜御史中丞出院
-----------------------	-----------------------	-----------------------	------------	-------------	------------------------	-----------------------	-----	-----------------------	----	-----------------------	-----------------------	------------------------	-------------------------	-------	--------	------------------------	-----------------	--------------------------	------------------------	-----------------------	--------------------	-----------------------	-----------------------	-----------------------	-----------------------	-----------------------	---------	------------------------	-----------------------	------------------------	----------

文淵閣四庫全書電子版

開成元年五月十五日遷工部侍郎知制誥二十四日賜紫	堦大和九年十月十二日自右補闕充開成二年二月	十二月十八日遷中書舍人五年二月一日加兵部郎中四年	十一月六日遷中書舍人五年二月一日加兵部郎中四年	六日拜御史袁郁大和九年十二月二十七日自禮部	中丞出院	正月十四日轉庫部員外郎	郎二年三月十一日丁憂	開成後十四人	柳璟開成二年七月十九日自庫部員外郎知制誥充	遷中書舍人五年十月十四日加駕部郎中知制誥二月九日	月改禮部侍郎出院相周墀日開成二年十二月二十五	欽定四庫全書	充三年十一月十六日加職方郎中四年九月十二日	賜緋三月十三日改工部侍郎知制誥六月十日守本	官出相王起開成三年五月五日自工部尚書判太常	院常卿事充四年三月十二日授太子少師兼兵部尚	書四月二日賜給少師俸料五年正月七日加金紫光	祿大夫守高元裕開成三年五月五日自諫議大夫充	本官出院	祿大裴素開成三年十二月十六日自司封員外郎兼	夫制誥五年二月二十七日辛官贈戶部侍郎丁居晦	一月加承旨賜紫十七日辛官贈戶部侍郎	開成四年閏正月自御史中丞改中書舍人五年二月	二日賜紫其年三月十三日遷戶部侍郎知制誥其月	贈吏部侍郎高少逸開成四年閏正月十一日自左
-------------------------	-----------------------	--------------------------	-------------------------	-----------------------	------	-------------	------------	--------	-----------------------	--------------------------	------------------------	--------	-----------------------	-----------------------	-----------------------	-----------------------	-----------------------	-----------------------	------	-----------------------	-----------------------	-------------------	-----------------------	-----------------------	----------------------



迪志文化出版有限公司出版



迪志文化出版有限公司出版

文淵閣四庫全書電子版

一日遷諫議大夫五年正月	李覆	開成五年三月二十
二十七日賜紫守本官出	院	李覆
賢院直學士充其年六月	轉庫部郎中知制誥十二月	集
十二日賜紫會昌元年五月	拜中書舍人十二月加承	
旨六日賜紫二年五月	周敬復	開成五年三月三十日自
月十九日出守本官	周敬復	兵部員外郎知制誥充十
二月十一日賜紫會昌元年	二月十三日轉職方郎	相
中知制誥中書舍人二年九月	十八日守本官出	院
鄭朗	開成五年四月十九日自諫議大夫充侍講學士	
盧懿	開成五年四月十九日自司封員外郎充侍講學士	
李訥	開成五年七月五日自左補闕充會昌二年四月	
守本官相崔鉉	會昌二年正月十五日自司封員外郎知	
欽定四庫全書	翰苑群書	卷六
制誥其年九月二十七日加承	賜紫十一月二十九	
日遷中書舍人三年五月十四	日拜中書侍郎平章事	
敬皞	開成五年十一月十六日自兵部員外郎史	
館修撰充會昌二年八月六	日出守本官	
會昌後八人		
相韋琮	會昌二年二月十五日自起居舍人史館修撰	
二十九日轉兵部郎中九月四	日拜中書舍人並依前充	魏扶
日轉兵部郎中九月四日自起	居郎充三年四月二十五	
會昌二年八月八日自知制誥	四年四月二十五日	
賜紫五月二十九日加知制誥	四年四月二十五日	
功郎中九月四日拜相	白敏中	會昌二年九月十三日
中書舍人並依前充	白敏中	自右司員外郎充其月
十五年改兵部員外郎十一月	二十九日加知制誥三	
年五月二十九日轉職方郎中	十二月七日加承旨賜	



迪志文化出版有限公司出版

文淵閣四庫全書電子版

紫四年四月十五日拜中書舍人九月	封敕	會昌二年
四日遷戶部侍郎知制誥並依前充	封敕	會昌二年
日自左司員外郎兼侍御史知雜事充	其月三日改駕	
部員外郎三年五月二十五日加知制誥	四年四月十	
五日遷中書舍人九月四日遷工部	侍郎知制誥依	相
前充五年三月十八日三表陳乞蒙恩	出守本官	
徐商	會昌三年六月一日自禮部員外郎充	四年八月
依前中並孫穀	會昌三年九月十日遷起居郎依前充	六年二月
依前中並孫穀	會昌三年九月十日遷起居郎依前充	六年二月
其月十三日加兵部員外郎其年四月	十五日浴殿賜	緋
中元年十二月七日加承旨恩殿	遷戶部侍郎知	制
日拜中書舍人二年七月六日特恩	遷戶部侍郎知	制
詔並依前充其年十二月二十	相劉瑒	會昌六年六月
四日除河南尹兼御史大夫	相劉瑒	會昌六年六月
欽定四庫全書	翰苑群書	卷六
御史充七月九日三殿賜緋大中元年	閏三月十二日	
加職方員外郎十一月二十七	日加知制誥二年七月	
六日特恩加司封郎中三年六月十四	日拜中書舍人	
十二月二十二日封郎中三年六月十四	日拜中書舍人	
十八日守本官兼御史中丞充西討伐	黨項行	裴諗
營諸寨宣慰使依前充五年五月	守本官出	院
六年六月二日自考功員外郎充八月	十九日加司封	
郎中大中元年二月三十日加知制誥	二年七月二日	
三殿賜紫其月六日特恩加工部侍郎	知制誥十二月	
二十六日加承旨並依前充三年五月	二十三日守本	
院官出		
大中後二十九人		
相蕭鄴	大中元年二月二十六日自監察御史裏行充	
十一月二十一日遷右補闕十二月	二十七日	



迪志文化出版有限公司出版

文淵閣四庫全書電子版

員外郎知制誥充其年十一月二十八日三殿召對賜	紫十一年四月十五日加駕部郎中充十二年閏二月	遷中書舍人並依前充其年十月十四日闕	甫珪	大中十年六月五日自吏部員外郎充其月七日	其年十月二日加司封郎中知制誥十二月八日賜紫其	日拜中書舍人依前充十三年八月二十六日遷工部	侍郎知制誥依前充十四年十月授同州刺史	相	侍郎知制誥依前充十四年十月授同州刺史	蔣伸	大中十一年八月二十六日自權知戶部侍郎充	十一	十二年五月十三日守本官判戶部侍郎知制誥依前充	九日守本官事	苗恪	部郎中充四月十五日加知制	書門下平章事	欽定四庫全書	翰苑群書	卷六	誥十二年閏二月十三日遷中書舍人並依前充十三	年八月二十六日賜紫二十九日加朝請大夫兼戶部	侍郎知制誥十二月十三日加承旨十四年十一月八	日改檢校工部尚書山南西道節度使兼御史大夫	楊知溫	大中十一年九月八日自禮部郎中充十二月	對賜緋十月十一日加知制誥十二月八日自禮部郎中充十二月	十三日召對賜紫十四年十月拜工部侍郎知制誥依	前嚴祁	大中十二年五月二十一日自左補闕內供奉	充	日加知制誥八月二十九日加駕部郎中餘如故咸通二	百戶知制誥六月十三日改庫部郎中餘如故咸通二	年四月改中相杜審權	大中十二年八月二十八日通議大夫兵部侍郎	書舍人出院	相杜審權	大中十二年八月二十九日加通議大夫兵部侍郎	誥承旨十三年八月二十九日加通議大夫兵部侍郎	知制誥依前充承旨其年十二月三日守本官同平章
-----------------------	-----------------------	-------------------	----	---------------------	------------------------	-----------------------	--------------------	---	--------------------	----	---------------------	----	------------------------	--------	----	--------------	--------	--------	------	----	-----------------------	-----------------------	-----------------------	----------------------	-----	--------------------	----------------------------	-----------------------	-----	--------------------	---	------------------------	-----------------------	-----------	---------------------	-------	------	----------------------	-----------------------	-----------------------

文淵閣四庫全書電子版

事相高璩	大中十三年四月二十三日自右拾遺內供	特恩遷起居郎知制誥依前充十四年十月六日特恩	拜右諫議大夫依前充二十六年六月十六日特恩	七月十九日加承旨八月七日遷工部侍郎依前充三	年二月十九日加承旨八月七日遷工部侍郎依前充三	月十九日加承旨八月七日遷工部侍郎依前充三	部尚書闕川節度使李貺	大中十二年十二月二十四	十四年五月十二日召對賜紫加右補闕十月二十六	日召對賜紫咸通二年三月十一日加左補闕依前充	三年二月二十日加職方員外郎知制誥	制誥充九月十四日守本官出院	二日自左拾遺充其月二十六日召對賜緋咸通二年	九月二十七日遷起居舍人依前充三年二月二十九日	日加兵部員外郎知制誥依前充七年九月二十五日	賜緋十一月八日遷中書舍人充五年九月二十五日	欽定四庫全書	翰苑群書	卷六	部侍郎依前充知制誥十一年十一月二十二日加承	旨十二月二十三日本官出院充諸道鹽鐵等使	咸通後三十二人	張道符	咸通元年十一月二十五日自戶部郎中賜緋	四月二十一日卒官至五月二日贈中相楊收	書舍人仍賜贈布絹及賜絹三百疋	十八日自吏部員外郎知制誥十月二十六日加庫部郎中	依前充七月八日加知制誥十月二十六日加庫部郎中	紫三年二月二十日特恩遷中書舍人充九月二十三	日加承旨其月二十六日遷兵部侍郎兼知制誥四	年五月七日以本官相路嚴	咸通二年五月二十八日	同中書門下平章事	相路嚴	咸通二年五月二十八日	年中書門下平章事	相路嚴	咸通二年五月二十八日	郎中知制誥充四年正月九日遷中書舍人充五月九
------	-------------------	-----------------------	----------------------	-----------------------	------------------------	----------------------	------------	-------------	-----------------------	-----------------------	------------------	---------------	-----------------------	------------------------	-----------------------	-----------------------	--------	------	----	-----------------------	---------------------	---------	-----	--------------------	--------------------	----------------	-------------------------	------------------------	-----------------------	----------------------	-------------	------------	----------	-----	------------	----------	-----	------------	-----------------------



迪志文化出版有限公司出版



迪志文化出版有限公司出版

文淵閣四庫全書電子版

日賜紫十六日加承旨九月十八日遷戶部侍郎知制誥充十一月十一日	月十九日以本官同趙隣咸通二年八月二十六日自右拾中書門下平章事	召對賜緋三年二月二十日遷起居舍人充四年八月三日	殿召對賜紫七月八日加駕部郎中知制誥依前充九	月十七日加朝散大夫戶部郎中依前充其月三十日	改禮部侍郎劉允章咸通三年九月二十七日起居郎	郎出授院劉允章入其年十一月二十七日起居郎	賜緋四年三月二十日獨孤霖咸通三年九月二十七	四月授欽州刺史	六月十九日加司勳員外郎充十二月二十一日加知	制誥五年五月九日三殿召對紫七月八日加庫部	充九月中制誥依前充六年六月五日遷中書舍人依前	欽定四庫全書	月十七日三殿召對面充承旨八年正月二十七日	改戶部侍郎知制誥依前充十一月四日遷兵部侍郎	知制誥依前充十年九月李瓚咸通四年四月七日自	八日守本官判戶部出院	部員外郎加駕部員外郎充十月十二日遷右補闕內供奉充九月	十八日加駕部員外郎充十月十二日遷右補闕內供奉充九月	五年六月一日改權相于琮咸通四年六月七日自水	知中書舍人出院	加庫部郎中知制誥充五年七月八日遷中侯備咸通	書舍人充九月二十七改刑部侍郎出院	六月五日自吏部員外郎賜紫充其月八日加承旨六	年中充九月二十七改刑部侍郎出院	遷戶部侍郎依前知制誥充九月十七日加承旨大	兵部侍郎知制誥充七年裴璩咸通五年六月六日自	三月九日授河南尹出院
-------------------------------	--------------------------------	-------------------------	-----------------------	-----------------------	-----------------------	----------------------	-----------------------	---------	-----------------------	----------------------	------------------------	--------	----------------------	-----------------------	-----------------------	------------	----------------------------	---------------------------	-----------------------	---------	-----------------------	------------------	-----------------------	-----------------	----------------------	-----------------------	------------

文淵閣四庫全書電子版

月九日加戶部郎中知制誥充五月九日三殿召對賜	紫九月十七日加朝散大夫中書舍人充八年正月二	十七日遷水部侍郎知制誥依前充劉允章咸通五年	其年九月二十三日本官再入六年正月九日加	戶部郎中知制誥五月九日三殿召對賜紫八年十一	月十四日遷工部侍郎知制誥依前充其鄭言咸通六	年十一月十六日改禮部侍郎出院	自駕部員外郎入四月十日加禮部郎中知制誥依前	充其月十九日中謝賜紫八年十一月十四日遷工部	郎知制誥並依前充九年六月相劉瞻咸通六年十月八	月十八日守戶部侍郎出院	其月二十六日加工部員外郎依前李隣咸通七年三	充七年三月九日授太原少尹出院	自太常少卿弘文館直學士入二十七日起居郎	月遷中書舍人十月二十五日三殿召對賜紫九年五	欽定四庫全書	月十六日除盧深咸通七年三月三十日自起居郎入	浙西觀察使	十五年八月八日召對賜紫八年正月二十四日加知制誥	其年八月八日召對賜紫八年正月二十四日加知制誥	知制誥依前充九年十月二十六日拜中書舍人依前	充十年十一月十一日遷戶部侍郎依前知制誥其年	十二月尚書崔珣咸通八年十月二十三日自監察御	贈戶部郎中知制誥充五年七月八日遷中侯備咸通	十二月七日賜紫七月二十一日加工部員外郎依前	相劉瞻咸通八年十一月二十二日自穎州刺史不赴	月二十六日拜中書舍人依前充九月十二日遷戶部	侍郎知制誥承旨十月十七日以前官同中書門下平	章相鄭畋咸通九年五月二十日自萬年令入二十四	事
-----------------------	-----------------------	-----------------------	---------------------	-----------------------	-----------------------	----------------	-----------------------	-----------------------	------------------------	-------------	-----------------------	----------------	---------------------	-----------------------	--------	-----------------------	-------	-------------------------	------------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------	---

文淵閣四庫全書電子版

欽定四庫全書

翰苑羣書卷七

宋 洪遵 編

禁林讌會集

御書飛白玉堂之署四字頒賜禁苑今懸掛已

畢輒述惡詩一章用歌盛事

右僕射平章事監修國史李昉

玉堂四字重千金宸翰親揮賜禁林地望轉從今日貴

君恩無似此時深宴回上苑花初發麻就中宵月未沈

欽定四庫全書

 翰苑群書
卷七

衣惹御香拖瑞錦筆宣皇澤洒春霖院門不許閒人入

承旨學士舉舊事置鈴索
於院門閒人不許輒入

仙境寧教外事侵我直承明

踰二紀臨川實動羨魚心

昉頃在禁林前後出處凡二十有五載不逢

今日之盛事者有七新學士謝恩日賜襲衣

金帶寶鞍名馬一也十月朔改賜新樣錦袍

二也特定草麻例物三也改賜內庫法酒四

也月俸並給見錢五也特給親事官隨從六

文淵閣四庫全書電子版

也新學士謝恩後就院賜敕設雖為舊事而

無此時供帳之盛七也凡此七事並前例特

出異恩有以見聖君待文臣之優厚也臨川

之羨其在茲乎

御書飛白玉堂之署三體宸章併宣禁苑觀茲

盛事輒動斐然

尚書吏部侍郎同中書門下平章事張齊賢

寵深仙署降新牌御筆親題重俊才四字千齡懸日月

欽定四庫全書

 翰苑群書
卷七

兩篇三體琢瓊瓊登科郤桂皆同樹入室丘門盡仰回

余與承旨學士皆御前科選而學士最受聖
恩願遇則前後門生俱深榮羨故有是也

寓直靜封

芝檢去密宣榮對玉泉來職清望峻人稀見地貴局嚴

畫罕開多幸謬持黃閣柄煙霄時得遂遊陪

伏覲禁林盛事謹賦一章

給事中參知政事賈黃中上

璇題飛白御毫新三體瓊章妙入神特賜禁林為盛事

只緣明主重名臣青編輝映輕前古丹地深嚴隔世塵



迪志文化出版有限公司出版



迪志文化出版有限公司出版

文淵閣四庫全書電子版

金籙禎祥非是寶玉堂名號此方真

玉堂之名從來未著格令今聖君親

書玉堂之署四字為千古不朽之事自此名始真矣恩榮誰比煙霄客文彩長懸

日月輪為報黿宮主人道蓬萊全勝昔時春

黃中以近離內署故

不覺有此健美之句

伏觀禁林新成盛事輒思歌詠不避荒蕪

給事中參知政事李沆上

禁庭多士列華簪嚴樂輝光冠古今御筆騰驤題玉署

宸章照耀詠詞林虛堂挂後傳千載翠琰刊成直萬金

欽定四庫全書



翰苑群書
卷七

振復文明知聖作尊崇儒術見天心增修一院煙霞麗

曲宴羣英雨露深自我昌朝為盛事黿山高峻重難尋

伏蒙承旨學士特賜寵招慙非嘉客陪列仙於

丹地觀盛事於玉堂御題禁署之名勢如飛動

聖制大風之作鏗若宮商一時併耀於蓬瀛三

體俄成於真草昔太宗之優待學士日預論思

明皇之寵尚集賢時聞臨幸以今況昔異代同

榮至謬亞冢卿獲司中祕啗牛心而不稱陪塵

文淵閣四庫全書電子版

尾以何能謬銜樂聖之杯且乏娛賓之賦嗟歎

不足歌詠輒興雖勞燥吻之冥搜終類繫轅之

陋唱仰塵高鑒聊抒下情

吏部侍郎兼祕書監李至上

昔陪羣彦在黿山今日重來赴玳筵纔向玉堂觀聖札

又離瑤席親宸篇二南絕唱人驚駭三體神蹤鳳折旋

坐久庭柯移午影飲酣宮吹遞香煙吟求視草牋分寫

醉假通中枕暫眠俗客不知仙禁近高歌共樂太平年

欽定四庫全書



翰苑群書
卷七

禁林讌會之什

學士承旨中書舍人蘇易簡上

雨晴禁署絕纖塵讌會名賢四海聞供職盡居清顯地

崇儒同感聖明君翩然飛白璇題字煥若丹青翠琰文

梓澤笙歌誠外物蘭亭詩酒不同羣少年已作瀛洲老

他日終棲太華雲莫怪坐間全不飲心中和氣自醺醺

學士左諫議大夫知制誥韓丕上

黿宮明麗倚春寒讌會羣仙喜縱觀聖作照臨新日月



迪志文化出版有限公司出版



迪志文化出版有限公司出版

文淵閣四庫全書電子版

御書飛動集龍鸞綺談雅似聞天樂瓊液香勝飲露盤
坐久杳同玄圃外吟餘飄若碧雲端演綸視草微才怯

闕

霈澤寬因想前賢倍知幸多云遭值太平難

學士考功員外郎知制誥畢士安上

好文英主古難齊寵重詞臣意勿低睿藻清新刊翠琰
神蹤飛動在璇題芸籤許效蓬萊閣花檻容模菴畫溪
樂聖朋儕開綺席愛君誠抱挂金閨買臣晚遇知多幸
犬子端憂思轉稽天地恩私無以報只將兢慎對芝泥

欽定四庫全書



翰苑群書
卷七

司封郎中知制誥柴成務上

內署延賓宴玉堂紫闥深啓會琳琅雲霏寶額題宸翰
金錯瑤編勒御章盤薦異羞羅彩翠盞傾醇醴湛清光
柳當朱檻春先到日過花磚影漸長吟客盡容窺綺閣
棲禽應許託雕梁歡榮共樂文明代惟願登歌頌聖皇

起居舍人知制誥呂祐之上

高會蓬瀛振德音崇賢同慶湛恩深瑞融雲露飛宸翰
榮下煙霄飾禁林鳳藻瓌奇清擊石龍文磨琢麗雕金

文淵閣四庫全書電子版

詞臣喜適逢時願睿眷殊敦好士心華照北門張組繡
祕逾東序敵球琳玉堂宴罷尤知幸御榜天章豈易尋

右正言知制誥錢若水上

一夜春風滿帝都禁林清曉宴簪裾玉堂乍到驚凡目

金鑠徐開見御書

承旨學士嚴以局鑄鑠御書於玉堂之上

四字驪龍爭天

矯兩篇瓊樹鬬扶疎詞臣此會人應羨聖主多才古不
如日上花磚簾捲後柳遮鈴索雨晴初閣前吟罷先沈
醉忘却西垣有直廬

欽定四庫全書



翰苑群書
卷七

右正言知制誥王旦上

喜綴真仙讌禁林玉堂新事好供吟天章刻石興風雅
宸翰書牌耀古今勢逸奪迴龍鳳跡調高流入管絃音
光凝玉笋瓊漿潤冷布花塼藥樹陰地貴每朝金殿近
景清如到玉壺深得陪嘉會榮觀大虔效賡歌樂聖心

右諫議大夫史館修撰楊徽之上

星移歲律應青陽得奉羣英步玉堂龍鳳雙飛觀御札
雲霞五色詠天章禁林漸覺清風暖仙界元知白日長



迪志文化出版有限公司出版



迪志文化出版有限公司出版

文淵閣四庫全書電子版

詔出芝泥封去潤朝迴蓮燭賜來香二篇稱獎恩尤重
萬國傳聞道更光何幸微才逢盛事願於史冊紀餘芳

右司諫史館修撰梁周翰上

寶書驚絕耀天章飛白親題賜玉堂瑞彩上騰流素月
朗河下注映丹牆鶴盤吳嶼雙翎健鵲顧雕陵巨翼長
遊霧半收懸組練輕雲斜拂駐鸞皇墨池併獲三奇寶
翠琰俱生五色光陪讌禁林知有幸叩頭遙祝萬年觴

倉部員外郎直祕閣潘慎修上

欽定四庫全書

 翰苑群書
卷七

紅藥深嚴肅廣筵嘉招仍許厠羣仙忽窺宸翰雲龍動
乍揭天辭日月懸散作楷模爭寶惜永刊金石共流傳
况當枚馬從容地仍集班揚侍從賢敢竊休明為盛觀
願陳風詠播薰絃不辭勝引承歡醉長洽升平億萬年

翰林侍讀右正言呂文仲上

青葱溫樹非塵境鼇岫金鑾近日邊石壁天章垂雨露
璇題宸翰動雲煙西垣賈馬徵詞客東觀蓬萊集列仙
讌喜醜顏飛玉竿鏗鏘奮藻擘花牋唐虞盛化高千古



迪志文化出版有限公司出版

文淵閣四庫全書電子版

葵藿傾心祝萬年自顧薄才誠有愧不知何以奉羣賢
翰林侍書行殿中侍御史王著上

文明天子重詞臣聖製褒揚日月新宸翰特頒仙署額
皇風先發玉堂春虬龍逸勢誠難伏鸞鶴迴翔信得真
齊武任誇非入妙漢章雖巧未通神匪惟銜耀鼇宮客
兼是輝華鳳閣人幸接英儒同讚詠輒書狂斐繼清塵

欽定四庫全書

 翰苑群書
卷七

翰苑羣書卷七



迪志文化出版有限公司出版

文淵閣四庫全書電子版

欽定四庫全書

翰苑羣書卷八

宋 洪遵 編

蘇易簡續翰林志上

李肇述翰林志禁庭之事詳矣至其引宋昌之言曰所言公則公言之所言私則王者無私之說言翰林制置任用非王者之私識者以為知言自唐氏之制駕在大內則於明福門內置院駕在興慶宮則於金明門內置院德宗時移院於金鑾坡上迄咸鎬為墟以梁苑為東

欽定四庫全書

翰苑羣書
卷八

都今二京學士院之制並在樞密宣徽院之北蓋表其深嚴宥密焉其學士立班常朝暨聖節行香并大忌進名並隨樞密使坐次及行幸大宴在參知政事之後從北為首每三元張燈及賜酺上御乾元樓臨軒觀樂憑欄設次坐在上將軍之上郊祀籍田青城之內設幕次於殿門東偏別設氍毹以為寢所蓋備密命焉元稹翰林承旨學士記曰舊制學士無得以承旨為名者應對顧問參會班第以官為上下憲宗以永貞元年即大位

文淵閣四庫全書電子版

始命鄭綱為承旨學士位在諸學士上居位在東第一閣乘輿奉郊廟輒得乘廐馬自浴殿由內朝以從揭雞竿布大澤得升丹鳳之西南隅外賓客進見於麟德則上直禁中以俟凡大詔令大廢置丞相之密畫內外之密奏上之所甚注意者莫不專對他無得而比也

後唐長興元年二月翰林學士劉昫奏臣伏見本院舊例學士入院除中書舍人即不試其餘官資皆須先試麻制答蕃書批答各一道詩賦各一首號曰五題所試

欽定四庫全書

翰苑羣書
卷八

並是當日內了便具進呈從前雖有召試之名而無考校之實每值召試新學士日或有援者皆預出五題暗令宿構至時但寫淨本便取職名若無援者即臨時特出五題旋令起草縱饒負藝罕能成功去留皆繫於梯媒得失盡由於偏黨此乃抑挫孤寒之道開張巧偽之門積弊相沿澆風未改將裨聖政須立新規況今伏值皇帝陛下德合乾坤明懸日月大興淳化盡革澆風矧惟翰墨之司專掌絲綸之命宜從正直務絕阿私自今



迪志文化出版有限公司出版



迪志文化出版有限公司出版

文淵閣四庫全書電子版

後凡有本院召試新學士欲請權停詩賦只試麻制答
蕃書并批答共三道仍請內賜題目兼定字數付本院
召試然後考其臧否定其取舍貴從務實以示均平庶
令孤進者得展勤勞朋比者不能欺罔事關穩便合貢
芻蕘從之

後唐天成三年八月勅掌綸之任擢才以居或自初命
而升或自顯秩而授蓋重厥職靡繫其官雖事分皆同
而行綴或異誠由徃日未有定規議官位則上下不常

欽定四庫全書

翰苑群書
卷八

論職次則後先為敘宜行顯命當正近班今後翰林學

士入並以先後為定惟承旨一員出自朕意不計官資

先後並在學士之上仍編入翰林志旋召張昭遠

下一字與

漢祖御名同
後只名昭

入院以其早踐綸闈久司史筆曾居憲府

累陟貳卿今既擢在禁林所宜別宣班序其立位宜次

崔稅夫禁庭之職儒者之至榮外望之所忌豈居是職

者專列人之短於君父之前邪則為恭顯靳費之流耳

奚為服儒服而食天祿乎唐陸贄抗疏論吳通玄弟兄

文淵閣四庫全書電子版

云學士是天子私人侵敗綱紀宰臣有備位之號不知
贄於是時所為何如哉貞元中時人謂學士為內相亦
忌其親密也

晉天福六年五月詔曰六典云中書舍人掌侍奉進奏
參議表章凡詔旨制勅璽書策命皆案故事起草進畫
既下則署而行之其禁有四一曰漏洩二曰稽緩三曰
違失四曰忘誤所以重王命也古昔以來典實斯在爰
從近代別創新名今運屬興王事從師古俾仍舊貫以

欽定四庫全書

翰苑群書
卷八

耀前規其翰林學士院公事宜並歸中書舍人從宰臣

馮道之奏也自是舍人畫直者當中書制夜直者當內

制至開運元年六月復有詔曰翰林學士與中書舍人

分為兩制各置六員偶自近年權停內署況司詔命必

在深嚴將使從宜却令仍舊宜復置學士院蓋宰臣桑

維翰秉政將戾於道故乃復焉自此班秩再有倫矣

凡曝直之數上自諸行尚書三十五直下至白身一百

四十直必須圓融其直先五直舊學士一點次三直一



迪志文化出版有限公司出版



迪志文化出版有限公司出版

文淵閣四庫全書電子版

點又次二直一點此三等隨日多少令其均勻永為定

式晉開運中楊昭儉直綸閣酌其從來倣直之數等第除減條為定式申中書門下仍刻石在壁員外郎入

舊八十直改為五十直郎中入舊六十直今改為四十

直他官入舊一百直改為八十直自員外郎知制誥轉

正郎仍舊六十直改為三十直正拜舍人舊四十直今

為二十直自常侍諫議給事拜舍人舊四十直改為二

十直應舊官再入約前任其內制倣直及吉凶疾病諸

減半今附乎此貴存舊章

假則例自具翰林舊規學士起復之制周朝已前未聞其例周世宗時故內翰王公著

今揆相李公昉俱遭內艱屬世宗北伐並起復隨駕書

詔繁委之際即不遑叙合倣直與不倣直迨皇朝端拱

元年閏五月易簡遭家艱奉詔抑奪遂與翰長以下商

議依鳳閣壁記體例同舊官再入約計前直減半是時

欽定四庫全書 翰苑群書 卷八

復倣直二至皇朝今揆相李公獨直禁中奉旨令每雙

十五直矣

日夜直隻日下直可以永為通式也四禁之中漏洩為

最故草制之夕遲明必闔院門之雙扉當制學士坐於

玉堂上止吏人之出入者俟宣制訖方啓戶焉文翰之

職優待之異者後唐同光中賜承旨學士盧質論思翊

佐功臣旋授節制河中馮瀛王送之詩云視草北來唐學士擁麾西去漢將軍時人榮之梁開

平中以前進士鄭致雍為學士晉開運中賜本院書詔

起居世宗欲令朝夕接見訪以時事乃下詔曰翰林學

士職係禁庭地居親近與班行而既異在朝請以宜殊

起今後當直下直學士並宜令逐日起居其當直學士

仍赴晚朝舊制每命將出師勞還曲宴於便殿則當直

學士一人與文明密直得預坐今揆相李公故尚書扈後為閣門使梁迥輕之至皇朝太祖英武聖文神德皇帝

因致酒於紫雲樓下命兩制侍宴懽甚因命中書舍人

來晨宜綴內制起居令為通式仍各賜書千卷以備檢

閱舊體每遊醺止學士得赴召暨皇上留心儒墨旋賞

文翰時綸閣之士始召赴曲宴或令和御詩舍人從遊

宴自此始也厥後立春鏤銀飾彩旛勝之物亦及之太

平興國八年召閣下舍人李公穆宋公白賈公黃中呂

公蒙正李公至入院時承旨扈公蒙贈詩賀之有五鳳

齊飛入翰林之句為一時之盛事其或觀稼於南薰門

賞花於含芳園春盡嚴蹕百司景從幸國西之金明池

下雕輦登龍舟都人駕肩百樂具舉憩瓊林苑由複道

文淵閣四庫全書電子版



迪志文化出版有限公司出版



迪志文化出版有限公司出版

文淵閣四庫全書電子版

御層樓臨軒置酒以閱繁盛兩制必侍從焉至上林春融千花萬卉妍麗冠絕上必曲宴宰衡勲舊召兩制詞臣俯龍池垂金鉤舉觴賦詩終日而罷上嘗謂宰執近臣曰詞臣實神仙之職也翊日凡所進詩悉闕御毫屬和以賜焉

雍熙三年十月勅曰兩制詞臣公朝精選典司綸誥親近冕旒宜於俸祿之間特示優異起今後兩制俸料並以見緡充

欽定四庫全書



翰苑群書
卷八

上聽政之暇搜訪鍾王之迹以資閱翫焉御毫飛動神機妙思出其軌制乃召書學之有格性者置於便殿躬自省閱仍授以筆法既觀其有成各賜以章服象笏令入院充待詔者八人自是書詔字四出震海之內咸識禁中之墨妙焉

舊體學士凡召入院止賜白成釘

都了反

口銀鞍勒馬暨

今上即位優待特異賜金鍍銀開裝鞍勒馬對衣荔枝金帶郊裡禮畢賜對衣金帶或牯犀帶金魚副之

朝士自唐

文淵閣四庫全書電子版

未久闕佩魚者十月朔舊賜對衣紅錦袍上特以細花

迨今方復之熟錦袍代之

淳化三年冬代以細花盤

自是遠方之珍

果天府之法釀龍鳳之茗荈伏臘之餅餌以時而賜悉加等焉

玉堂東西壁延袤數丈悉畫水以布風濤浩渺擬瀛洲之象也

待詔董羽之筆

修篁皓鶴悉圖廊廡竒花異木羅植軒

砌每外喧已寂內務不至風傳禁漏月色滿庭真人世之仙境也

欽定四庫全書



翰苑群書
卷八

蘇易簡續翰林志下

學士拜命先閣門受制書於常朝殿門之階上

舊體召入院後

差中使賜拜伏跪受訖於便殿對敷陳述寵用遭值之由謂

之告謝上必從容賜坐錫以茶藥而退選日謝恩前一日待詔一人就宅宣召預於庭設裯褥堂設酒醴待詔

稱有勅望皇居拜伏聽命其辭皆獎飾嚴召之意

於本院舊

學士處請本又舞蹈訖升堂飲饌以謝恩奏狀拜伏跪授之來日待詔迎於待漏院與新學士偕行引至閣門而退



迪志文化出版有限公司出版



迪志文化出版有限公司出版

文淵閣四庫全書電子版

閣門舍人始引入中謝賜對衣金帶金塗鞍勒馬

近就院例

轉官惟承旨則賜分物敕設如初拜之禮餘不得比矣

入本院上事宣徽院告報

勅設儀鸞宿陳帝幕太官備珍饌設上尊酒茗果畢至

赴是設者止鳳閣舍人餘不得預坐

舊體禁中上事元無樂前代或有令

伎藝人弄獼猴藏珠之戲者

玉堂之上惟上事受吏人賀禮始得正坐餘雖承旨亦

須坐於東廂其副翰坐西廂餘依雙隻對坐居是職者

人物之選亦已極矣儒墨之榮亦已至矣苟能節用以

欽定四庫全書



翰苑群書
卷八

安貧杜門以省事探真如之旨養浩然之氣來者瞻望

其出處時君優假其顏色逍遙卒歲非神仙而何每上

直一依舊制入者先之出者後之或會食日盱之後同

列出院當直學士苟已褫巾笏則可紗帽鞞履送至玉

堂之簾下盖同列相恕其坦率也或禁直垂簾人靜之

際則有中使忽降御詩宣令屬和則必尋拜謝狀後信

宿方和進如聲韻奇險難以賡載者必拜章瀝懇陳述

寡和之意優詔多免焉每錫賜謝恩奏狀必當直草或

文淵閣四庫全書電子版

郊裡行慶制命填委必聚廳以分草之其餘書詔辭祝
頃刻之間雖續紛而至必獨當之或數直有不草一詞
者自可探蹟往詰研窮理體以備顧問焉

李肇翰林志曰凡將相告身用金花五色綾紙

唐乾寧二年十

月十日李鋌自黔南節相授京兆尹兩度咨報中書用白綾紙

今親王相告身並用金

花五色白背綾紙皇后貴主用金花五色背羅紙不帶

使相者用金花五色白背綾紙觀察使及參知政事樞

密副使簽署樞密院公事並五色綾紙無金花諸蕃酋

欽定四庫全書



翰苑群書
卷八

長蠻王鬼主官告中書省草詞送本院寫皆五色綾白

背紙

一本作白大綾紙

俱新制也

舊體樞密使未帶使相者不宣麻至周太祖初潛歷是

始乃宣制於公朝今之宣麻自周太祖始也

晉天福二年中書奏准翰林志凡赦書德音立后建儲

行大誅討拜免三公宰相命將內制並使白麻紙不使

印雙日起草候閣門鑰而後進呈至隻日百寮立班於

宣政殿

今於文德殿

樞密使引案

今以閣門使引

自東上閣出若拜



迪志文化出版有限公司出版



迪志文化出版有限公司出版

文淵閣四庫全書電子版

免宰相即付通事舍人餘付中書門下並通事舍人宣示若機務急速亦使雙日甚速者雖休假亦追班據翰林志言立后不言立妃言儲君不言親王公主兼三師位在三公之上文並不載今後立妃及拜免三師三公宰相命將封親王公主並降制命餘從令式天成三年十二月日學士院記事樞密院近送到知高麗國諸軍事王建表令賜詔書者其高麗國先未曾有人使到闕院中並無彼國詔書式樣未審呼卿為復呼汝兼使何

欽定四庫全書



翰苑群書
卷八

色紙書寫及封褻事例伏請特賜參酌詳定報院者中書帖太常禮院令具體例分析申堂據狀申謹案太宗親平其國不立後嗣是以書詔無賜高麗國式樣且東方最大是新羅國請約新羅國王書詔體例修寫奉勅所賜高麗王書詔宜依賜新羅渤海兩蕃書詔體書寫天復三年七月二十一日學士柳璨宣對思政殿便令到院宣示待詔自今後凡寫勅後而不得留空紙但圓融畫勅及日便得剩紙畫即日宣示之

周顯德中宣諭翰林院今後凡與諸王詔書除本名外

文淵閣四庫全書電子版

其文辭內有字與本名同者宜改避之

唐韋處厚翰林學士壁記言禁林之材用備矣迄朱梁而下以大才登大用比比而去此不能錄今畧紀數公事迹以表世不乏賢也餘具譜牒國史謹厚則竇儀李惲徐台符吳承範典麗則李瀚陶穀張沆商鵬魚崇諒扈蒙放誕則王著歐陽炳審音則竇儼孝謹則劉溫叟嗜學則張昭申文炳其餘不可勝紀惟陶與竇直禁林之傑者而竇以凝重陶以輕躁圓鑿方柄即可知矣

欽定四庫全書



翰苑群書
卷八

李惲於天成中入直禁署時宰執以司會貢士呈試多不合格格式起請令翰林學士各為格詩格賦一首以為繩準時同職各已撰成送中書中書吏累督惲令撰之惲曰李某識字有數因人成事苟令復應進士落第必矣今備位禁署後生可畏焉能以格詩格賦垂於世哉終不下筆時論喧然以為知大體

承範以稟賦敦厚時宰屢有薦延言可大用公台之望日隆矣每盛暑必危坐奧室加以純絛慮有寒濕之疾



迪志文化出版有限公司出版



迪志文化出版有限公司出版

文淵閣四庫全書電子版

其自重也如此卒不登用其命也夫沆與承範及鵬皆盧華侍郎下進士擢第同年范禹偁江文蔚流落吳蜀亦居偽廷之內署一榜之內學士五人自有科第已來未有若斯之盛者也

台符早以亂罹曾陷北庭因間遯歸所乘馬常多嘶鳴暨晝伏宵行則帖爾屏息逮至中土嘶鳴如故識者以為積善之徵後處禁林周世宗必欲置之廊廟將擇吉日宣制一日內直忽終於玉堂車駕親臨救以上藥已

欽定四庫全書



翰苑群書
卷八

奄然矣

澣以詞藻特麗俊秀不羣長興中於太傅和魯公下進士擢第未數載與座主同列內署和大拜之制澣實草之不俟和命其閣中器皿動用盡掊歸私室以為濡潤後以石晉不造陷於北庭亦神鋒太俊之致也

周世宗初踐祚北征劉崇旋召魚公復掌文翰時以母老侍養於陝府久而不至乃召陶公陶則不俟駕行謁見行在且稱崇諒懼劉崇兵勝有願望之意上益不樂

文淵閣四庫全書電子版

自此升沈不侔矣陶厥後自以官居八座位至承旨且欲軋同列之官卑者乃起請令今後學士合班儀在諸行侍郎之下如官至丞郎者即在常侍之上官至尚書者依本班迄今以為準焉與夫先人後己之道戾矣士大夫嘉其文而鄙其行焉

舊體知制誥在尚書之上學士在左右僕射之上

蒙以仲弟載先直禁署未幾即世蒙繼入焉泊居兩制出處僅三十年嘗預修五代史至於衰耄頗倦直形於詞色後以工部尚書解職不數月而逝

欽定四庫全書



翰苑群書
卷八

著以周世宗代邸舊寮倍有眷注暨世宗即大位亦嘗於曲宴揚袂起舞上優容之或夜召訪以時政屢沈湎不能言

炳以偽蜀順化旋召入院嘗不巾不襪見客於玉堂之上尤善長笛太祖嘗置酒令奏數弄後以右貂終於西洛

儼乃儀之仲弟也嘗與儀連翩知貢舉直內制時比之二陸焉昆李五人皆擢進士第時亦謂之五龍閨門之



迪志文化出版有限公司出版



迪志文化出版有限公司出版

文淵閣四庫全書電子版

盛近實罕比周世宗顯德五年冬將立歲仗前一日親至於樂懸之下問雅音於工師皆不能答因令儼知太常卿事與樞密使王朴同詳定之乃用古累黍之法以審其度造成律准其形如琴而巨凡十二絃以定六律六呂旋相為宮之義世宗善之至是登歌酌獻始有倫矣

溫叟乃太常卿岳之子也於晉室開運中召入院乃捧命書慶於高堂其母不登時見之溫叟在堂下俟命聞

欽定四庫全書



翰苑群書
卷八

動局鑰聲莫審其由未幾兩青衣皆叩角舉一箱其中則紫綬兼衣立於庭中母方命捲簾見其子曰此即爾父在禁中日內庫所錫者溫叟即搢笏垂泣跪捧退開家廟列祀以文告之其母僅旬日不見其子蓋感愴之意也

昭以嗜學苦節冠於搢紳清資華貫無所不歷於唐末簡策遺墜之後能糾合遺言著成唐書至於褒貶是非咸得其理文炳為學之志老而彌篤躬抄圖史僅盈數

文淵閣四庫全書電子版

篋其所為文多自注釋之筆迹老熟人尚有傳者餘悉位以才陞何暇評品其文格焉

夫學士之稱職之至美也至於列位黃閣尚帶大學士之號唐張說猶讓而不處焉則為儒之貴莫越於此唐朝侍講侍書侍讀皆帶此職後唐同光元年置護鑾書制學士以倉部員外郎趙鳳為之梁開平三年正月改思政殿為金鑾殿置大學士一員以景翔為之與館殿大學士同至皇朝太平興國五年始命禮部侍郎程羽

欽定四庫全書



翰苑群書
卷八

為文明殿學士文明之號自茲始也後唐天成元年命馮道趙鳳充端明殿學士非舊號也仍詔云班立在翰林學士之上如有轉改只於翰林學士中選蓋樞密使不曉文義故署此職

馮道笏記云天下儒生僅餘萬數殿前學士只有兩人時輩榮之

本職在官下趙鳳轉侍郎遣人諷任園移職在官上至今為例梁開平元年五月改樞密院為崇政院命景翔為院使二年十月置崇政殿直學士兩員選有政術文學者為之始以尚書吏部郎中吳諲兵部郎中李玘

金門



迪志文化出版有限公司出版



迪志文化出版有限公司出版

文淵閣四庫全書電子版

之充選又改為直崇政院後唐同光中依舊為樞密院									
兄亦置密直學士一人班次在翰林學士之下上之數職									
雖非視草入直而職名相近故亦附於志云									
丙成歲易簡始自祠曹外郎知制誥蒙恩召入院逮今									
六載畧無塵露以益山海今歲驟自祠曹正郎改授中									
書舍人充承旨之職非才非望益負愧惕因視草之暇									
集成此書以繼李公之作餘後之制置新規模他日別									
加編纂焉時皇宋龍集辛卯淳化紀號之二年孟冬朔									
欽定四庫全書									
翰苑群書									
卷八									
日									
翰苑羣書卷八									

文淵閣四庫全書電子版

欽定四庫全書									
翰苑羣書卷九									
蘇耆次續翰林志									
先公自太平興國庚辰歲首登上第不由館殿直升綸									
閣從釋褐凡七年召入翰苑先帝睠注隆厚垂欲大用									
者數矣以尚少但加承旨之號以榮之凡八換炎涼方									
參預政事有唐以為榮滯相半不虛矣在玉堂日書詔									
之暇集近朝故事號續翰林志其末云後之制置新規模									
俟他日別加編纂焉尋以中樞務繁晨趨夕返旋又出									
鎮穰下故未遂周序其事嗚呼先公遭時遇主騰拔霄									
漢才名振赫非不大矣職位隆顯非不達矣而壽不登									
於強仕志未展於一時莫報寵光旋悲朝露豈使君臣									
盛美之事禁林榮耀之迹不傳於後世邪次子耆出宰									
烏程居多暇日因泣血編錄附於志後目之曰次續翰									
林志云耳									
先公於丙戌歲始入翰林時翰長宋公白副翰賈公黃									
欽定四庫全書									
翰苑群書									
卷九									

文淵閣四庫全書電子版

中皆先達鉅儒同在鼇署公乃作古詩數百言序述疇昔遭逢之由二公亦以歌答之_{今悉附之於後}宋即南宮座主也纔及七歲遂為同列故其歌云疇昔聊為尺木階而今真是青雲友賈即嘗任補袞閱民田於澤郡時先公方在幼齡祖父攜而謁之仍以文為贄賈贈詩曰曲江願作先容客都醉春風上五雲十餘年更直內署於今朝野流為美談

國家舊制郊祀之禮惟宣祖皇帝侑神作主公受詔攝

欽定四庫全書



翰苑群書
卷九

禮儀使乃拜疏云太祖皇帝受命造宋垂於無窮不預嚴配恐乖天人之意仍唐永徽中高祖太宗同配故事上優詔褒美朝廷建之迄今以為定制焉公始撰翰林志成以獻上大悅特賜宸章兩篇皆獎飾褒美之旨其後御批云詩意者因卿進續翰林志美居清華之地也尋刻石於玉堂之東序焉時傳本四出人得之者咸以為榮先帝以玉署之設其來尚矣但虛傳其號而無正名乃於紅絹上御書飛白四字題曰玉堂之署以賜焉



迪志文化出版有限公司出版

文淵閣四庫全書電子版

鈿軸晶瑩降從天上御香馥郁傳到人間遂捧歸私第以慶耀其親時祖母太夫人具命服焚香設拜而觀之喜歎之聲動於鄰里即命置於本院中擇日懸掛乃具局鑰於玉堂之上_{其御札至今鎖之或學士上事及賜勅設即令開之焚香而觀焉}自待詔院吏而下咸列賀於庭公曰自唐置學士來幾三百年今日方知貴矣即日詔宰輔暨兩制詞臣就院勅設宴帳之盛無如是時仍賦長韻詩一章以記其事_{其詩}

目曰禁林讌會
集今附之於後

欽定四庫全書



翰苑群書
卷九

有唐學士院深嚴非本院人不可遽入雖中使宣示及有文書必先動鈴索立於門外俟本院小判官出授訖授院使院使授學士自五代已來其制久廢公因召對言之上可其奏自是院內復置鈴索焉淳化中公方在宿直夜將及乙就枕已久忽鈴索聲動即中使賞御草書宋玉大言賦以賜公即具簪笏張燭望宸居再拜而發焉續有劄子云朕草宋玉大言以賜卿不識來朝因呈文書將來讀與卿及凌晨對數方盡詳悉公乃自撰



迪志文化出版有限公司出版

文淵閣四庫全書電子版

大言賦以進詞曰皇帝書白龍牋作大言賦賜玉堂臣
易簡御筆煌煌雄詞洋洋環瑋博達不可備詳詔臣陞
殿躬指其理且歎宋玉之奇怪也因伏而奏曰恨宋玉
不與陛下同時帝曰噫何代無人焉卿為朕言之臣曰
聖人興兮造成功登崑崙兮展升中
崑崙南屬地居天地為席
兮饗祖宗天起籙兮調笙鏞日烏月兔耀文明也參旗
井鉞嚴武衛也執北斗兮奠玄酒也削西華兮為石礎
也飛雲涌霞騰燔燎也剗鯨腊鵬代鷁鰈也飛雷三發
欽定四庫全書
翰苑群書
卷九



迪志文化出版有限公司出版

文淵閣四庫全書電子版

先是內院逼近禁闈地復狹窄前後書詔繁萃積於房
廊多所損潤公乃於玉堂後廡建二書閣東西交映藻
繪間飾自是文籍有附焉閣之上下悉命僧巨然畫煙
嵐曉景以布之筆跡野逸效李成之作而又自成一家
之妙
唐制學士每有除拜他職必納光院錢以為公用自丞
相而下各有差等五代以還其儀久闕公振舉而復之
自是院中費用及待詔而下伏臘之資告足公入參之
日首納百千上恩詔特令迴賜公嘗奏事歸院上即時
宣召顧左右曰宣蘇某來及對敷而退上猶未起又曰
宣當直學士來及再引對畢未及到廳上又曰召承旨
來時雖處內署而兩地政事多所詢訪蓋聖語有所未
盡故一日凡三接見而三易其稱特眷注之深厚耳
國朝舊制有殿前承旨頗甚繁雜及公拜翰林承旨上
以其稱呼不別又惡其與清貴混淆詔改為三班奉職
以避其稱也公嘗早朝省覲其母於堂上燭滅誤為門



迪志文化出版有限公司出版

文淵閣四庫全書電子版

扉傷其額及引對上再三顧矚曰豈非因酒乎公再拜具以實對上曰待歸院續有藥去及移時中使至於金合內有藥一刀圭許其色微碧及生猪肉一臠禁中無猪肉蓋令旋於屠家取之中人遽請偃息傳藥於上以肉貼之不食許揭去其肉痂隨而起宛如無傷蓋神異之方也公一日在院內以水一斛試欬器焉上令中黃門偵知遽奏其事而莫辨其器及晚朝上曰卿在院中所玩得非欬器乎公初亦驚恒尋奏曰臣昔任官江左因而得之乃李氏義族收所作實欬器之遺象也上遽命取來乃於便殿躬自校試再三歎美之公乃進曰臣聞日中則昃月滿則虧器盈則覆物盛則衰願陛下持盈守成慎終始固萬世基業天下幸甚上深加聽納因即獻之自後制度亦罕有傳者公久在禁林連典貢部自前南宮首薦及殿庭覆考試多所改易及公薦陳樞相堯叟孫紫微何一不搖動天下伏其知人寒畯之流牢籠殆盡雖退黜者曾無怨言場屋之間至今歌詠上以公飲酒過

欽定四庫全書



翰苑群書
卷九



迪志文化出版有限公司出版

文淵閣四庫全書電子版

多恐成疾患因乾明聖節宣近御座委曲勸勉至於再三凡移數刻左右大臣莫不聳聽公感戴恩惠但垂泣再拜而已來日具狀稱謝上於表後御書批答云覽卿之謝過表章其辭也深合朕意卿擢登高級盛美儒林敗德之名克先為誠知非能改於不二諸事豈假再三手札不多賜蘇某凡奏狀縫上皆御寶印之續降一劄子云昨日賜卿批答忽速今日始捻舊本子看誤使一辭字卿改却著公即具狀謝仍面奏辭字從舌乃是正文并檢虞監書者辭字進呈上大悅曰非卿博識朕以為誤矣上嘗御便殿案上有御書一紙乃銷金紙飛白一香者公乃拜乞上雖許而未即賜坐間呂宮師蒙正因奏事見之又乞上曰適已許賜蘇某矣遽命公取之公袖以致謝左右無不健羨焉公與襄陵賈公內直禁署嘗相謂曰今兩地大僚請酒至多而罕有相遺者因各有不平之氣未幾賈公入參大政又數月蔑聞有濃醪之贈公因飛一絕以贈之憶昔當初直禁林共嗟難

欽定四庫全書



翰苑群書
卷九



迪志文化出版有限公司出版

文淵閣四庫全書電子版

得酒如金此時寂寞垂簾坐惆悵無人話此心費公見之方悟因大笑封送酒歷恣其所請公乃預請數月幾近百壺好事者即日傳於都下

草麻潤筆自隋唐已來皆有之

鄭譯隋文時自隆州刺史復國公爵令李德林

作詔高顯戲之曰筆頭乾譯答曰出為方伯杖策而歸不得一錢何以潤筆

近朝武臣移鎮

及大僚除拜因循多不送遺先帝以公久在內署慮經費有闕特定草麻例物朝謝日命閣門督之既得因以書進呈自是無敢有闕者迄今以為定制公嘗劇飲寢

欽定四庫全書



翰苑群書
卷九

於直廬夜將分中人宣召遽起以水沃面具簪笏以朝而方醉中乃賜坐訪以外事應對如流畧無舛誤仍令草王密使名顯駁麻及袖歸院晨並不之記上亦不覺其醉自以為神助聞者莫不驚異焉公書詔之暇日飲醇酎上御草書戒酒勸酒詩二章以賜仍令與祖母讀之何人肯立杜康廟又拉劉伶在畔頭願得黃金千萬錠一時送與酒家休又幾醞香醪一曲歌本圖閒放養天和後人不會先賢意破國亡家事極多倖直之制自



迪志文化出版有限公司出版

文淵閣四庫全書電子版

五代以還頗亦湮廢雖有舊規而罕能遵守公自始入洎起皆力行之亦未嘗借請同院代直自是羣官亦無敢隳其例者因酌楊八座昭儉鳳閣倖直例勒石龕於玉堂之東北隅凡此數事悉先公在儒林之殊迹也耆是時方在幼齡十不記其一二慮年代浸遠微烈無聞因以編修刊於緗素一則表神宗優賢之異二則彰先公遭遇之由垂示方來諒亦無愧時聖上幸亳之歲孟春月書

欽定四庫全書



翰苑群書
卷九

翰苑羣書卷九



迪志文化出版有限公司出版

欽定四庫全書

史部
翰苑羣書卷
十五
十二

詳校官常寺少卿臣陳桂林

編修臣程嘉謨覆勘

覆校官中書臣汪師曾

校對官中書臣王家賓

謄錄監生臣陳炳



迪志文化出版有限公司出版

欽定四庫全書

翰苑羣書卷十

宋 洪遵 編

學士年表
自建隆
至治平

建隆

元陶穀
正月自翰林學士承旨吏部
侍郎遷禮部尚書依前充職

賈儼
正月自翰林學士中書舍人遷
禮部侍郎依前充職六月卒

王著
正月自翰林學士金部郎
中為中書舍人依前充職

李昉
正月自起復翰林學士屯田
郎中遷中書舍人依前充職

欽定四庫全書
翰苑羣書
卷十

二陶穀

王著

李昉

三陶穀

王著

李昉
七月遷給
事中罷

扈蒙
七月以中書舍
人史館修撰拜舍

乾德

元陶穀

王著
員外郎罷
比部

扈蒙
十月責左贊
善大夫罷

賈儀
十月以工
部尚書拜

二陶穀

賈儀



迪志文化出版有限公司出版

文淵閣四庫全書電子版

三陶穀	賈儀	四陶穀	賈儀 十一月十一日卒	歐陽迥	賈儀	開寶	歐陽迥	元陶穀	歐陽迥	二陶穀	歐陽迥	欽定四庫全書 翰苑群書 卷十	盧多遜 郎知制誥直院	三陶穀 十二月十二日卒	歐陽迥	四歐陽迥 六月以本官分司兩京罷	盧多遜 十二月十一日卒	五盧多遜	六盧多遜 九月以中書舍人拜除參知政事	張澹 四月以左補闕知制誥權直院	七張澹 六月十一日卒
-----	----	-----	---------------	-----	----	----	-----	-----	-----	-----	-----	----------------------	---------------	----------------	-----	--------------------	----------------	------	-----------------------	--------------------	---------------



迪志文化出版有限公司出版

文淵閣四庫全書電子版

八	九	太平興國	元湯悅 十一月自太子少詹事為直院	徐鉉 十一月自太子少詹事為直院	二湯悅	徐鉉	扈蒙 正月以中書舍人復拜	三湯悅	徐鉉	扈蒙	四湯悅 九月遷光祿卿罷	徐鉉	五徐鉉	扈蒙	六徐鉉	扈蒙	七徐鉉	扈蒙	八徐鉉 六月遷左散騎常侍罷	扈蒙	李穆 五月以中書舍人拜承旨十一月除參知政事	宋白 五月以中書舍人拜承旨
---	---	------	---------------------	--------------------	-----	----	-----------------	-----	----	----	----------------	----	-----	----	-----	----	-----	----	------------------	----	--------------------------	------------------



迪志文化出版有限公司出版

文淵閣四庫全書電子版

賈黃中	五月以駕部員外郎知制誥為司封郎中拜學士
呂蒙正	五月以左補闕知制誥為都官郎中拜學士十一月除參知政事
李至	五月以左補闕知制誥為比部郎中拜學士十一月除參知政事
雍熙	
元扈蒙	宋白
賈黃中	
二扈蒙	部尚書罷
宋白	
蘇易簡	賈黃中
欽定四庫全書	翰苑群書卷十
三宋白	賈黃中
蘇易簡	
四宋白	賈黃中
蘇易簡	
端拱	
元宋白	賈黃中
蘇易簡	
二宋白	賈黃中

文淵閣四庫全書電子版

蘇易簡	李沆	三月以職方員外郎知制誥拜
淳化		
元宋白	賈黃中	
蘇易簡	李沆	
二宋白	賈黃中	九月除參知政事
蘇易簡	李沆	九月除參知政事
韓丕	畢士安	十一月以考功員外郎知制誥拜
三蘇易簡	韓丕	
欽定四庫全書	翰苑群書卷十	
畢士安		
四蘇易簡	韓丕	五月以本官罷
畢士安	張洎	五月以左諫議大夫史館修撰為中書舍人拜
錢若水		
五張洎	錢若水	
至道		
元張洎	錢若水	正月除同知樞密院
宋湜	王禹偁	正月以禮部員外郎知制誥拜五月



迪志文化出版有限公司出版



迪志文化出版有限公司出版

文淵閣四庫全書電子版

以工部郎中 知滁州罷	宋白 四月以禮部侍郎復為承旨
二宋湜	宋白
三宋湜	宋白
楊礪 八月以給事中拜	王旦 八月以中書舍人拜
咸平	
元宋湜 十月除樞密副使	宋白
楊礪 二月除樞密副使	王旦
二宋白	王旦 二月除同知樞密院
欽定四庫全書 翰苑群書 卷十	
三宋白	梁周翰 五月以駕部郎中知制誥拜
師顏 五月以刑部郎中知制誥拜	朱昂 閏月以吏部郎中知制誥拜
王欽若 閏月以左正言知制誥拜	
四宋白	梁周翰
師顏	朱昂 五月以工部侍郎致仕
王欽若 四月除參知政事	
五宋白	梁周翰
師顏 八月卒	



迪志文化出版有限公司出版

文淵閣四庫全書電子版

六宋白	梁周翰
景德	
元宋白	梁周翰
趙安仁 七月以左正言知制誥拜	
二宋白 五月遷刑部尚書集賢院學士罷	梁周翰
趙安仁 二月除參知政事	晁迥 五月以起復左諫議大夫拜
李宗諤 五月以起居舍人知制誥拜	
三晁迥	李宗諤
欽定四庫全書 翰苑群書 卷十	
楊億 十一月以左司諫知制誥拜	
四晁迥	李宗諤
楊億	
大中祥符	
元晁迥	李宗諤
楊億	
二晁迥	李宗諤
楊億	



迪志文化出版有限公司出版

文淵閣四庫全書電子版

三晁迴	李宗諤	楊億	四晁迴	李宗諤	楊億	五晁迴	李宗諤	楊億	六晁迴	李宗諤	楊億	欽定四庫全書 翰苑群書 卷十	楊億	陳彭年	王曾	七晁迴	陳彭年	王曾	八晁迴	陳彭年	王曾	九晁迴	陳彭年	王曾	李維	王曾
													六月以太常少卿分司西京罷	六月以龍圖閣直學士左諫議大夫	六月以左司郎中知制誥拜	六月以主客郎中知制誥拜						九月除參知政事	九月除參知政事	九月除參知政事		



迪志文化出版有限公司出版

文淵閣四庫全書電子版

李迪	八月以陝西都轉運使集賢院學士拜	天禧	李維	元晁迥	李迪	九月除參知政事	二晁迥	十一月承旨	錢惟演	正月以工部侍郎拜	盛度	十一月以戶部侍郎知制誥拜	錢惟演	盛度	三月以工部侍郎知制誥拜	四晁迥	四月以工部侍郎集賢院學士判西京留臺罷	錢惟演	八月除樞密副使	楊億	四月以起復工部侍郎知制誥拜	晏殊	八月以戶部員外郎知制誥拜	五劉筠	正月以右諫議大夫知廬州罷	李諮	正月以戶部員外郎知制誥拜	乾興	元晏殊	李諮



迪志文化出版有限公司出版

文淵閣四庫全書電子版

李維	宋綬	九月以戶部郎中知制誥	
劉筠	八月以給事中復拜十一月除御史中丞罷		
天聖			
元晏殊	李諮		
李維			
二晏殊	李諮		
李維			
三晏殊	李諮	九月除樞密直學士知洪州罷	
欽定四庫全書			
 翰苑群書卷十			
李維	宋綬	四月拜	
錢易			
錢易	十月以左司郎中知制誥拜		
四李維	宋綬		
錢易	三月改相州觀察使罷		
卒正月	夏竦	二月以起復戶部郎中知制誥拜	
蔡齊	五月以起居舍人知制誥拜	章得象	五月以兵部郎中知制誥拜
五宋綬	夏竦	三月以右諫議大夫除樞密副使	
蔡齊	章得象		
陳堯咨	二月以龍圖閣學士工部侍郎權知開封府拜八月除宿州觀察使罷		



迪志文化出版有限公司出版

文淵閣四庫全書電子版

六宋綬	蔡齊	七月除禮部侍郎罷
章得象	馮元	九月以龍圖閣學士兼侍講學士禮部郎
中同修國史拜	陳堯佐	九月以樞密直學士左諫議大夫權
知開封府拜		
七宋綬	章得象	
罷七月		
馮元	陳堯佐	三月除樞密副使
八宋綬	章得象	
復四月拜		
馮元	徐奭	四月以禮部郎中知制誥拜九月卒
欽定四庫全書		
翰苑群書卷十		
九宋綬	章得象	
十月以龍圖學士知應天府罷		
馮元		
明道	馮元	
元章得象	馮元	
二章得象	馮元	
景祐		
元章得象	石中立	正月以給事中知制誥拜
張觀		
正月以刑部郎中知制誥拜		



迪志文化出版有限公司出版

二章得象	石中立	張觀	三章得象	十二月除同知樞密院	石中立	三月除參知政事	張觀	二月除給事中御史中丞罷	晁宗慤	三月以起復刑部郎中知制誥拜	四丁度	晁宗慤	胥偃	閏四月以工部郎中知制誥拜	李淑	閏四月以禮部員外郎知制誥拜	寶元	欽定四庫全書	翰苑群書	卷十	元丁度	晁宗慤	李淑	三月除侍讀學士罷	胥偃	三月以刑部員外郎知制誥拜	宋庠	三月以刑部員外郎知制誥拜	二丁度	晁宗慤	宋庠	十一月除左諫議大夫參知政事	胥偃	八月	王舉正	八月以兵部郎中知制誥拜	柳植	八月以工部郎中知制誥知杭州拜十一月以左諫議大夫除權御史中丞罷	康定
------	-----	----	------	-----------	-----	---------	----	-------------	-----	---------------	-----	-----	----	--------------	----	---------------	----	--------	------	----	-----	-----	----	----------	----	--------------	----	--------------	-----	-----	----	---------------	----	----	-----	-------------	----	--------------------------------	----

元丁度	晁宗慤	九月除左諫議大夫參知政事	王舉正	正月以左司諫知制誥拜	慶曆	王舉正	閏月遷承旨	元丁度	五月除左諫議大夫參知政事	王舉正	四月以兵部郎中知制誥拜	王拱辰	五月以刑部員外郎知制誥拜	蘇紳	五月以刑部員外郎知制誥拜	二丁度	王堯臣	王拱辰	三月以右諫議大夫權御史中丞罷	蘇冠卿	九月	王拱辰	三月以右諫議大夫權御史中丞罷	蘇紳	十月以起居舍人知制誥拜	富弼	十月以左正言知制誥拜固辭罷	三丁度	王堯臣	蘇紳	七月除龍圖閣學士知揚州罷	吳育	葉清臣	閏月以龍圖閣直學士禮部郎中拜	宋祁	王堯臣	四丁度	葉清臣	吳育	宋祁	宋祁
-----	-----	--------------	-----	------------	----	-----	-------	-----	--------------	-----	-------------	-----	--------------	----	--------------	-----	-----	-----	----------------	-----	----	-----	----------------	----	-------------	----	---------------	-----	-----	----	--------------	----	-----	----------------	----	-----	-----	-----	----	----	----

五丁度	四月以工部侍郎除樞密副使	王堯臣	正月遷承旨
吳育	正月以右諫議大夫除樞密副使	葉清臣	十一月除翰林侍讀學士知鄆州罷
宋祁	二月以翰林侍讀學士兼龍圖閣學士罷	孫抃	二月以起居舍人知制誥拜
張方平	二月以右正言知制誥拜	梁適	十一月以樞密直學士禮部郎中知延州
拜是月罷為翰林學士知澶州		蘇紳	十月以龍圖閣學士禮部郎中復拜
六王堯臣		孫抃	
張方平	正月以右諫議大夫權御史中丞罷十一月復拜		
楊察	正月以右正言知制誥拜		
欽定四庫全書 翰苑群書 卷十			
七王堯臣		孫抃	
張方平	八月知滁州罷	楊察	四月以右諫議大夫權御史中丞罷
葉清臣	四月復拜	彭乘	三月以工部郎中知制誥拜
錢明逸	三月以右諫議大夫知制誥拜		
八王堯臣		孫抃	
葉清臣		彭乘	
錢明逸		趙槩	十二月以刑部郎中知制誥拜
楊偉	十二月以刑部郎中知制誥拜	宋祁	六月復拜十月知許州罷



迪志文化出版有限公司出版

皇祐		孫抃	
元王堯臣		孫抃	
葉清臣	三月以翰林侍讀學士知河陽罷	彭乘	九月卒
錢明逸	四月以龍圖閣學士知蔡州罷	趙槩	
楊偉			
二王堯臣		孫抃	
趙槩		楊偉	
嵇穎	八月以刑部員外郎知制誥拜九月卒		
欽定四庫全書 翰苑群書 卷十			
三王堯臣	十月除樞密副使	孫抃	
趙槩		楊偉	
曾公亮	四月以刑部郎中知制誥拜	田况	十二月除龍圖閣學士給事中權三司使
四孫抃		趙槩	
楊偉		曾公亮	
田况			
五孫抃	七月以右諫議大夫權御史中丞罷	趙槩	



迪志文化出版有限公司出版

文淵閣四庫全書電子版

曾公亮	田況	九月除禮部侍郎三司使罷
胡宿	五月以兵部員外郎知制誥拜	
至和		
元趙槩	楊偉	
曾公亮	九月除端明殿學士集賢殿修撰知鄭州罷	
胡宿	歐陽修	八月以龍圖閣學士吏部郎中拜
呂溱	九月以起居舍人知制誥拜	王洙
九月以工部郎中知制誥拜		
二趙槩	楊偉	
欽定四庫全書	翰苑群書	卷十
胡宿	歐陽修	六月以侍讀學士集賢殿修撰知蔡州罷
州罷七月復拜	呂溱	二月以翰林侍讀學士知徐州罷
王洙	孫抃	六月復承旨
嘉祐		
元趙槩	楊偉	
胡宿	歐陽修	
王洙	閏三月以翰林侍讀學士兼侍講學士罷	孫抃
王珪	十二月以翰林侍讀學士起居舍人拜	曾公亮
四月復拜		

文淵閣四庫全書電子版

二趙槩	楊偉	
胡宿	歐陽修	
孫抃	王珪	七月丁母憂
曾公亮		
三趙槩	十月除翰林侍讀學士龍圖閣學士禮部侍郎知鄆州罷	
楊偉	胡宿	
歐陽修	孫抃	
曾公亮	韓絳	三月以吏部員外郎知制誥拜
欽定四庫全書	翰苑群書	卷十
四胡宿	歐陽修	
孫抃	韓絳	三月以左諫議大夫權御史中丞罷
吳奎	王珪	十月復拜
三月以兵部員外郎知制誥拜		
五胡宿	歐陽修	十一月除樞密副使
孫抃	范鎮	
密副使		
吳奎	十一月除樞密副使	
賈黯	二月以兵部員外郎知制誥拜九月除翰林侍讀學士知鄧州府罷十一月復拜	
蔡襄	五月以樞密直學士禮部郎中拜	



迪志文化出版有限公司出版



迪志文化出版有限公司出版

文淵閣四庫全書電子版

六胡宿	閏八月除左諫議大夫樞密副使	王珪	蔡襄	賈黯	范鎮	吳奎	六月復拜	七王珪	賈黯	蔡襄	范鎮	吳奎	三月除左諫議大夫樞密副使	八王珪	賈黯	蔡襄	八月遷給事中三司使罷	欽定四庫全書	翰苑群書卷十	馮京	治平	元王珪	賈黯	范鎮	閏五月遷侍讀學士罷	王疇	五月以給事中權御史中丞拜十二月除樞密副使	二王珪	賈黯	二月以給事中權御史中丞罷	范鎮	三月復拜	馮京	三王珪	馮京	八月丁母憂
-----	---------------	----	----	----	----	----	------	-----	----	----	----	----	--------------	-----	----	----	------------	--------	--------	----	----	-----	----	----	-----------	----	----------------------	-----	----	--------------	----	------	----	-----	----	-------

文淵閣四庫全書電子版

范鎮	正月除侍讀學士集賢殿修撰知陳州罷	沈邁	九月以龍圖閣學士右諫議大夫權知開封府拜尋	四王珪	九月遷承旨	司馬光	閏三月以龍圖閣直學士右諫議大夫兼侍講拜四月除權御史中丞罷九月復拜	呂公著	閏三月以龍圖閣直學士給事中知	鄭獬	九月以兵部員外郎知制誥拜	王安石	十月以工部郎中知制誥知江寧府拜	欽定四庫全書	翰苑群書卷十	翰苑羣書卷十
----	------------------	----	----------------------	-----	-------	-----	----------------------------------	-----	----------------	----	--------------	-----	-----------------	--------	--------	--------

文淵閣四庫全書電子版

欽定四庫全書

翰苑羣書卷十一

宋 洪遵 編

翰苑題名

翰苑自唐寶應迄於大中學士官族皆刻石龕之屋壁
五李以紛擾久廢藝祖受命首建直廬太宗親灑玉堂
之翰以增寵獎聖稽古推擇尤靳景德初趙安仁晁
迥李宗諤始復置壁記起國初自承旨陶穀以下至直
院用除授次第刊列後居職者皆得以流芳久遠中遭

欽定四庫全書

翰苑群書
卷十一

變故今不復存睿主中興偃武右文揀求鴻碩追坦明
之制如二帝三王之盛以章列聖之休規模遠矣而姓
名未紀來者何觀學士秦公梓再有建請未幾出守宣
城因循迄今該猥以淺陋寓直猷黻之文豈足以潤色
丕業願獲繼諸公之後託名於不朽欣幸之極乃為之
序紹興十八年七月既望左中奉大夫權尚書禮部侍郎
兼直學士院沈該謹序

朱勝非

建炎元年五月以中書舍人兼權直院八月除
禮部侍郎依舊兼權十一月除翰林學士二年



迪志文化出版有限公司出版

文淵閣四庫全書電子版

五月除相王陶建炎元年六月以給事中兼權直院十
右丞葉夢得建炎二年以戶部侍郎除康執權建炎二
部尚書盧益建炎二年以兵部侍郎除孫覿建炎二年
部侍郎兼權翰林學士十一月除左丞
直院是年罷李邴建炎二年十一月以兵部侍郎兼權
郎兼權直院建炎二年十一月以兵部侍郎兼權
三年正月罷張守建炎三年三月以起居舍人兼權直院尋
簽書樞密院事張守建炎三年三月以起居舍人兼權直院尋
密院事張守建炎三年三月以起居舍人兼權直院尋
詹義學士兼權直院六月罷滕康建炎三年四月以
學士樞密院事曾惇建炎三年六月以起居舍人兼權直院尋
書樞密院事張守建炎三年六月以起居舍人兼權直院尋
禮部尚書張守建炎三年六月以起居舍人兼權直院尋
禮部尚書張守建炎三年六月以起居舍人兼權直院尋

欽定四庫全書

翰苑群書
卷十一

建炎三年七月以中書舍人兼權直院是年除給事中
依舊兼權四年七月以中書舍人兼權直院是年除給事中
五月除翰林學士九月除兵部侍郎依舊兼權紹興元年
龍圖閣直學士知湖州秦密禮部侍郎兼權直院十
月除徽猷閣直學士知湖州秦密禮部侍郎兼權直院十
學士知漳州席益紹興元年八月以中書胡交修紹興
元年十月以給事中秦密禮部侍郎兼權直院二月以吏部
兼權直院二年以給事中秦密禮部侍郎兼權直院二月以吏部
侍郎依舊兼權九月除翰林學士四翟汝文紹興二年
年七月除實文閣學士知紹興府翟汝文紹興二年
謨閣直學士致仕除翰林學士沈與求紹興二年七月以
士承旨四月除致仕除翰林學士沈與求紹興二年七月以
紹興三年七月以吏部侍郎兼權直院四年四月除陳與義
禮部侍郎依舊兼權八月除徽猷閣直學士知湖州孫



迪志文化出版有限公司出版

文淵閣四庫全書電子版

近	紹興四年七月以吏部侍郎兼直院五年二月除翰林學士十一月除吏部尚書兼翰林學士六年八月除龍圖閣學士	沈與求	紹興四年八月以吏部尚書兼翰林學士九月除參知政事	胡交修	紹興五年二月以刑部侍郎兼直院四月除刑部尚書	朱震	紹興六年六月以中書舍人又兼權直院十一月除致仕	陳與義	紹興六年六月以中書舍人又兼權直院十一月除致仕	胡世將	紹興七年正月以給事中	胡寅	紹興七年正月以給事中	曾開	紹興八年六月以中書舍人又兼權直院十一月除致仕	呂本中	紹興八年六月以中書舍人又兼權直院十一月除致仕	文閣侍制	呂本中	紹興八年六月以中書舍人又兼權直院十一月除致仕	知婺州	呂本中	紹興八年六月以中書舍人又兼權直院十一月除致仕	欽定四庫全書	翰苑群書	卷十一	八年十月以中書舍人兼孫近	紹興八年十月以龍圖閣學士知紹興府除翰林學士承旨十一月除御史中丞	樓炤	紹興八年十一月以給事中兼翰林學士承旨十一月除御史中丞	李誼	紹興九年九月以兵部尚書兼翰林學士承旨十一月除御史中丞	樞密院事	李誼	紹興九年九月以兵部尚書兼翰林學士承旨十一月除御史中丞	尚書	胡交修	紹興十年六月以兵部尚書兼翰林學士承旨十一月除御史中丞	州林待聘	紹興十年五月以中書舍人兼權直院十二月以中書舍人兼權直院十二月	院以憂去	范同	紹興十年五月以中書舍人兼權直院十二月以中書舍人兼權直院十二月	事程克俊	紹興十一年五月以中書舍人兼權直院十二月以中書舍人兼權直院十二月	除簽書樞	吳表臣	紹興十二年正月以吏部尚書兼權學士院二月罷	密院事	吳表臣	紹興十二年正月以吏部尚書兼權學士院二月罷
---	--	-----	-------------------------	-----	-----------------------	----	------------------------	-----	------------------------	-----	------------	----	------------	----	------------------------	-----	------------------------	------	-----	------------------------	-----	-----	------------------------	--------	------	-----	--------------	---------------------------------	----	----------------------------	----	----------------------------	------	----	----------------------------	----	-----	----------------------------	------	--------------------------------	------	----	--------------------------------	------	---------------------------------	------	-----	----------------------	-----	-----	----------------------

文淵閣四庫全書電子版

年九月以敷文閣直學士兼權直院十月除兼直院十月	王賞	紹興十二年十月以權禮部侍郎兼權直院十月	洪	紹興十三年八月以徽猷閣直學士提舉	楊愿	紹興十二年十月以權禮部侍郎兼權直院十月	皓	紹興十三年八月以徽猷閣直學士提舉	劉才邵	紹興十二年十月以權禮部侍郎兼權直院十月	秦熺	紹興十二年十月以權禮部侍郎兼權直院十月	段拂	紹興十二年十月以權禮部侍郎兼權直院十月	錢周材	紹興十七年三月以中書舍人又兼權直院十一月除致仕	邊知白	紹興十七年三月以中書舍人又兼權直院十一月除致仕	李椿年	紹興十八年正月以權戶部侍郎兼權直院十一月除致仕	沈該	紹興十八年正月以權戶部侍郎兼權直院十一月除致仕	李椿年	紹興十八年正月以權戶部侍郎兼權直院十一月除致仕	相李椿年	紹興十八年正月以權戶部侍郎兼權直院十一月除致仕	戶部侍郎兼權直院十一月除致仕	巫伋	紹興十九年十一月以給事中兼權直院十一月除致仕	湯思	紹興二十年四月以起居舍人兼權直院十一月除致仕	王暉	紹興二十年四月以起居舍人兼權直院十一月除致仕	退	紹興二十年四月以起居舍人兼權直院十一月除致仕	十四年十一月以中書舍人又兼權直院十一月除致仕	相沈虛中	紹興二十五年六月以中書舍人又兼權直院十一月除致仕	子司業兼權直院十一月除致仕	兵部侍郎兼權直院十一月除致仕	除簽書樞	王暉	紹興二十年四月以起居舍人兼權直院十一月除致仕	密院事	王暉	紹興二十年四月以起居舍人兼權直院十一月除致仕	院以憂去	范同	紹興十年五月以中書舍人兼權直院十二月以中書舍人兼權直院十二月	事程克俊	紹興十一年五月以中書舍人兼權直院十二月以中書舍人兼權直院十二月	除簽書樞	吳表臣	紹興十二年正月以吏部尚書兼權學士院二月罷	密院事	吳表臣	紹興十二年正月以吏部尚書兼權學士院二月罷
------------------------	----	---------------------	---	------------------	----	---------------------	---	------------------	-----	---------------------	----	---------------------	----	---------------------	-----	-------------------------	-----	-------------------------	-----	-------------------------	----	-------------------------	-----	-------------------------	------	-------------------------	----------------	----	------------------------	----	------------------------	----	------------------------	---	------------------------	------------------------	------	--------------------------	---------------	----------------	------	----	------------------------	-----	----	------------------------	------	----	--------------------------------	------	---------------------------------	------	-----	----------------------	-----	-----	----------------------

文淵閣四庫全書電子版

學士知泉州除翰林學士二十	劉才邵	紹興二十六年
六年九月除同知樞密院事		
郎兼權直院二十七年四月除顯謨	王綸	紹興二十七年
閣直學士提舉江州太平興國宮		
書舍人兼權直院六月除工部侍郎直	楊椿	紹興二十七年
院二十八人兼權直院六月除工部侍郎直		
以給事中兼權直院六月除工部侍郎直		
十二月除兵部尚書兼權翰林學士三十一		
參知政事周麟之	紹興二十八年	
中二十九年閏六月除翰林學士	洪遵	紹興三十年
三十年七月除同知樞密院事		
除翰林學士提舉江州太平興國宮	何溥	紹興三十一年
直學士提舉江州太平興國宮	虞允文	紹興三十一年
除翰林學士提舉江州太平興國宮		
圖閣學士提舉江州太平興國宮		
欽定四庫全書	翰苑群書	卷十一
書舍人兼權直院三十二年二月	相劉珙	紹興三十一年
月除兵部尚書川陝宣諭使		
舍人兼權直院三十二年三月除中書舍人五月	唐文	
兼直院隆興元年十一月除集英殿修撰知泉州		
若行宮直院三十一年十二月以起居郎兼權	洪遵	紹興三十一年
二年五月以徽猷閣直學士知平江府除翰林學	史浩	
士六月除承旨隆興元年五月除同知樞密院事		
紹興三十二年六月以中書舍人	相錢周材	隆興元年
除翰林學士八月除參知政事		
書舍人兼直院十月除給	王之望	隆興二年
事十一月除權吏部侍郎	張孝祥	隆興二年
院十二月除左諫議大夫		
除數文閣侍	馬騏	隆興二年
制知建康府		

文淵閣四庫全書電子版

隆興二年四月以太常少卿兼權直院九月除中書	適	
舍人閏十一月兼直院乾道元年五月除翰林學士		
六月除簽書	相王剛中	隆興二年
樞密院事		
改除禮部尚書直學士院	蔣芾	乾道元年
十二月除簽書樞密院事		
書舍人兼直院二年五	相何備	乾道元年
月除簽書樞密院事		
除集英殿修	王曠	乾道元年
撰知衢州		
事制三年閏七月除敷文閣	洪邁	乾道二年
侍中三年閏七月除敷文閣		
年五月除起居郎七月除中書舍人兼直院	劉珙	乾道三年
年六月除集英殿修撰提舉江州太平興國宮		
三年閏七月以敷文閣直學士知樞密院事	莫濟	乾道三年
除翰林學士十一月除同知樞密院事		
欽定四庫全書	翰苑群書	卷十一
宗正少卿兼權直院	汪應辰	乾道四年
四年十一月以憂去		
四月除端明殿	梁克家	乾道四年
學士知平江府		
事相陳良祐	乾道五年	
六年二月除吏部侍郎閏五月罷	鄭聞	乾道六年
六年四月以中書舍人兼直院七年三月	周必大	乾道六年
除實文閣侍制提舉江州太平興國宮		
七月以祕書少監兼權直院七年七月	王曠	乾道七年
月除權禮部侍郎三年二月宮觀		
除翰林學士八年三月除承旨九年三月	鄭聞	乾道八年
除端明殿學士八年三月除承旨九年三月		
以刑部侍郎兼直院	王淪	乾道九年
九月除權刑部尚書		
侍王淮		
郎直院七年除中書舍人兼直院		

欽定四庫全書											
翰苑羣書											
卷十一											
翰苑羣書卷十一											

欽定四庫全書											
翰苑羣書卷十二											
宋 洪遵 編											
翰苑遺事											
淳化二年閏二月命翰林學士賈黃中蘇易簡同勾當差遣院李沆同判吏部流內銓學士領外司自此始也是年十一月二十三日詔定降麻事例宰臣樞密使使相節度使特恩加官除授學士事例銀百兩衣著百疋覃恩加食邑起復落起復銀五十兩衣著五十疋親王以有宣賜事例更不重定公主未出降依親王例宣賜已出降令駙馬都尉管送 大中祥符三年閏二月學士晁迥言今月十八日宰臣召臣等問所降德音不鎖院之故按本院舊例赦書德音不曾鎖院臣等商議除南郊赦書緣車駕齋宿在外並是預先進入降付中書難以鎖院外自餘赦書德音今後並依降麻例鎖院從之 六年八月學士院諮報準詔議定書詔用紙今定文武官待制大卿監觀察使以上用白詔紙三司副使閣門使少卿監刺史以上用黃詔紙自餘非巡幸大禮赦書											

文淵閣四庫全書電子版

敕榜外並用黃表紙從之

右四事國朝會要

八年四月二日兩制賜御筵於學士院直館及朝臣於

史館以考校畢也

錢文僖玉堂逢辰錄

百司申中書皆用狀惟學士院用諮報其實如劄子亦

不出名但當直學士一人押字而已謂之諮報

今俗謂草書名

為押字也此唐學士院舊規也唐世學士院故事近時隳廢

殆盡惟此一事在爾

往時學士循唐故事見宰相不具靴笏繫鞋坐玉堂上

欽定四庫全書



翰苑群書
卷十二

遣院吏計會堂頭直省官學士將至宰相出迎近時學

士始具靴笏至中書與常參官雜坐於客位有移時不

得見者學士日益自卑丞相禮亦漸薄並習見已久恬

然不復怪也

嘉祐二年樞密使田公況罷為尚書右丞觀文殿學士

兼翰林侍讀學士罷樞密使當降麻而止以制除蓋往

時高若訥罷樞密使所除官職正與田公同亦不降麻

遂以為故事

文淵閣四庫全書電子版

真宗時丁晉公謂自平江軍節度使除兵部尚書參知

政事節度使當降麻而朝議惜之遂止以制除近者陳

相執中罷使相除僕射降麻龐籍罷節度使除觀文殿

學士又不降麻蓋無定制也仁宗初立今上為皇子令

中書召學士草詔學士王珪當直召至中書諭之王曰

此大事也必須面奉聖旨於是求對明日面稟得旨乃

草詔羣公皆以王為真得學士體也

端明殿學士五代後唐時置國朝尤以為貴多以翰林

欽定四庫全書



翰苑群書
卷十二

學士兼之其不以翰苑兼職及換職者百年間纔兩人

特拜程戡王素是也

王元之在翰林嘗草夏州李繼遷制繼遷送潤筆物數

倍於常然用啓頭書送拒而不納蓋惜事體也近時舍

人院草制有送潤筆物稍後時者必遣院子詣門催索

而當送者往往不送相承既久今索者送者皆恬然不

以為怪也

右十一事歐公歸田錄

臣伏見國家承五代之餘建萬世之業誅滅僭亂懷來



迪志文化出版有限公司出版



迪志文化出版有限公司出版

文淵閣四庫全書電子版

四夷封祀天地制作禮樂至於大臣進退政令改更學士所作文書皆繫朝廷大事示於後世則為王者之訓謨藏之有司乃是本朝之故實自明道已來文書草藁尚有編錄景祐以後漸成散失臣曾試令類聚收拾補綴十已失其五六使聖宋之盛文章詔令廢失湮淪緩急事有質疑有司無所檢證蓋由從前雖有編錄亦無類例卷第祇是本院書吏私自抄寫所以易為廢失今欲乞將國朝以來學士所撰文書各以門類依其年次編成卷帙號為學士院草錄有不足者更加求訪補足之仍乞差本院學士從下兩員專切管勾自今已後接續編聯如本行人吏不盡時編錄致有漏落許令本院舉察理為過犯此臣本院常事也所以上煩聖聽者蓋以近歲以來百司綱紀相承廢壞事有曾經奏聞及有聖旨指揮者僅能遵守若祇是本司臨時處置其主判之官纔罷去則其事尋亦廢停所以止欲乞朝廷特降指揮所貴久遠遵行不敢廢失

六一居
士集

欽定四庫全書



翰苑群書
卷十二



迪志文化出版有限公司出版

文淵閣四庫全書電子版

唐制翰林學士本職在官下五代趙鳳為之始諷宰相任園移在官上按趙鳳升學士於官上乃端明殿也唐翰林院在銀臺之北乾封以後劉緯之元萬頃之徒時宣召草制其間因名北門學士今學士院在樞密院之後腹背相倚不可南向故以其西廊西向為院之正門而後門北向與集英相直因榜曰北門兩省樞密院皆無後門惟學士院有之學士退朝入院與禁中宣命往來皆行北門而正門行者無幾不特取其便事亦以存故事也

欽定四庫全書



翰苑群書
卷十二



迪志文化出版有限公司出版

文淵閣四庫全書電子版

習之舊也

唐翰林學士結銜或在官上或在官下無定制予家藏唐碑多如大和中李藏用碑撰者言中散大夫守尚書戶部侍郎知制誥翰林學士王源中之類則在官下大中中王巨鏞碑撰者言翰林學士中散大夫守中書舍人劉瑑之類則在官上瑑仍不稱知制誥殊不可曉

按劉寧官至中書舍人則不帶三字

俗稱翰林學士為坡蓋唐德宗時嘗移學士院於金鑾

欽定四庫全書

 翰苑群書
卷十二

坡上故亦稱鑾坡唐制學士院無常處駕在大內則置於明福門在興慶宮則置於金明門不專在翰林院也然明福金明不以為稱不常居之爾諫議大夫亦稱坡此乃出唐人之語諫議大夫班本在給舍上其遷轉則諫議歲滿方遷給事中自給事遷舍人當時語云饒道升上坡去亦須却下坡來以諫議為上坡故因以為稱見李文正所記

學士院舊制自侍郎以上辭免除授則賜詔皆留其章

文淵閣四庫全書電子版

中書而尚書省略其事因降劄于下院使為詔而已自執政而下至於節度使使相則用批答批答之制更不由中書直禁中封所上章付院令降批答院中即更用紙連其章後書辭併其章賜之此其異也辭既與章相連後書省表具之字必長作表字傍一撇通其章階位上過謂之抹階若使不復用舊銜之意相習已久莫知始何時

舊制學士以上賜御仙花帶而不佩魚雖翰林亦然惟

欽定四庫全書

 翰苑群書
卷十二

二府服笏頭帶佩魚謂之重金元豐官制行始詔六曹尚書翰林學士皆得佩魚故蘇子瞻謝翰林學士表云玉堂賜篆仰淳化之彌文寶帶重金佩元豐之新渥玉堂之署四字太宗飛白書淳化中以賜蘇易簡蘇參政易簡登科時宋尚書白為南省主文後七年宋為翰林學士承旨而蘇相繼入院同為學士宋嘗贈詩云昔日曾為尺木階今朝真是青雲友歐陽文忠亦王禹玉南省主文相距十六年同為學士故歐公詩有喜



迪志文化出版有限公司出版



迪志文化出版有限公司出版

文淵閣四庫全書電子版

君新賜黃金帶顧我今為白髮翁之句二事誠一時文物之盛也

學士院正廳曰玉堂蓋道家之名初李肇翰林志言居翰苑者皆謂凌玉清邈紫霄豈止於登瀛洲哉亦曰登玉堂焉自是遂以玉堂為學士院之稱而不為榜太宗時蘇易簡為學士上嘗語曰玉堂之設但虛傳之說終未有正名乃以紅羅飛白玉堂之署四字賜之易簡即扁鐫置堂上每學士上事始得一開視最為翰林盛事

欽定四庫全書



翰苑群書
卷十二

紹聖間蔡魯公為承旨始奏乞摹就杭州刻榜揭之以避英廟諱去二字止曰玉堂云

韓門下維以賜出身熙寧末特除翰林學士崇寧中林彥振賜出身用韓例亦除翰林學士國朝以來學士不由科第除者惟此二人

按韓省試中以父億執政不就廷試後為館職以至兩制未嘗

賜第也

唐詔令雖一出於學士遇有邊防機要大事學士不能盡知者則多宰相以處分之要者自為之辭而付院使

文淵閣四庫全書電子版

增其首尾常式之言謂之詔意今猶見於李德裕鄭畋集近歲或出於宰相進呈訖但召待詔即私第書寫或詔學士宰相面授意退而具草然不能無改定也

右十
一事

石林
燕語

舊學士院在樞密院之後其南廡與密院後廊中分門乃西向玉堂本以待乘輿行幸非學士所得常居惟禮上之日略坐其東受院吏參謁其後為主廊北出直集英殿則所謂北門也學士僅有直舍分於門之兩旁每

欽定四庫全書



翰苑群書
卷十二

鎖院受詔與中使坐主廊余為學士時始請闢兩直舍各分其一間與北門通為三以照壁限其中屏間命待詔鮑詢畫花竹於上與玉堂郭熙春江晚景屏相配當時以為美談後聞王丞相將明為承旨旁取西省右正言廳以廣之中為殿曰右文

予從叔祖司空道卿慶厯中為翰林學士仁宗欲大用會宋元憲為相同年厚善或以為言乃與元憲俱罷然仁宗欲用之意未衰也再入為三司使而陳恭公尤不



迪志文化出版有限公司出版



迪志文化出版有限公司出版

文淵閣四庫全書電子版

喜適以憂去免喪不召就除知澶州吾大觀中亦忝入翰林因曲謝略敘陳太上皇喜曰前此兄弟同時迭為學士者有矣未有宗族相繼於數世之後不惟朝廷得人亦可為卿一門盛事吾頓首謝

唐制詔敕號令皆中書舍人之職定員六人以其一人為知制誥以掌進畫翰林學士初但為文辭不專詔命自校書郎以上皆得為之班次各視其官亦無定員故學士入皆試五題麻詔敕詩賦而舍人不試蓋舍人乃

欽定四庫全書



翰苑群書
卷十二

其本職且多自學士遷也學士未滿一年猶未得為知制誥不與為文歲滿遷知制誥然後始並直本朝既重學士之選率自知制誥遷故不試而知制誥始亦循唐制不試雍熙初太宗以李文正公沆及來湜王化基為之化基上章辭不能乃使中書並召試制誥二首遂為故事其後梁周翰薛映梁鼎亦或不試而用歐陽文忠公記惟公與楊文公陳文惠公三人者誤也

太宗敦獎儒術初除張參政洎錢樞密若水為翰林學

文淵閣四庫全書電子版

士喜以為得人諭輔臣云學士清切之職朕恨不得為之唐故事學士禮上例弄獼猴戲不知何意國初久廢不講至是乃使敕設日舉行而易以教坊雜手伎後遂以為例而余為學士時但移開封府呼市人教坊不復用矣既在禁中亦不敢多致但以一二伎充數爾大觀末余奉詔重修翰林志嘗備錄本末會余罷書不克成

右四事葉夢
得避暑錄話

謝克家除翰苑以祖諱辭有旨銜內權不繫三字謝以

欽定四庫全書



翰苑群書
卷十二

不帶三字止同職名不可赴院供職又固辭

熙寧初韓子華拜相其弟持國在翰苑神宗前期諭令草制注意厚矣持國懇辭弟兄之嫌得請元符末曾子宣爰立其弟子開直北門徽廟特命草麻蓋示眷寵也

右二事謝俛
四六談塵

學士及舍人院最重題名學士及舍人赴職之日本院設具應佗學士給諫丞郎待制皆預會以是日題名於石玉冊官刊字後有拜宰相者即其名下刊相字其家



迪志文化出版有限公司出版



迪志文化出版有限公司出版

文淵閣四庫全書電子版

遣子弟齋宴具就本院召學士待制以上皆集最為盛禮自元豐行官制之後一切廢罷矣

劉子儀在南陽以翰林學士召中途改成都彌年又召為學士至西京復加兩學士知鄭州謝表云仙山已到屢為風引而還長安甚遙豈覺日邊之近

故事皇子出閣以翰林學士一員掌牋表南豐先生以中書舍人掌延安郡王牋表出於一時之選也

右三事
曾紆南

舊遊記

欽定四庫全書

翰苑群書
卷十二

國朝因仍舊制翰林學士分日遞直夜入宿以備著撰日再而更過鑾院不前聞日晏禁中連遣走隸家召至則皇城門將閉矣少頃御藥入院以客禮見探懷出御封屏吏啓緘即詞頭也御藥取燭視局鑰退就西閣宿學士歸直舍草制未五鼓院吏書待詔持紙筆立戶外學士據案授藁吏細書奏本待詔用麻紙大書乃付門下省庭宣者學士臨視點勘匱封以授御藥御藥啓局持入禁中院吏復局至朝退然後開院率以為常若遇

文淵閣四庫全書電子版

命相則禁中別設綵殿召學士由內東門入繫鞋立墀下上御小帽窄衫束帶御座側獨設一繡墩少東置杌陳筆硯其上侍衛者皆下學士升殿造膝受旨趨杌書所得除目進呈置袖中侍衛者皆上乃宣坐賜茶已復庭謝御藥押送入院鑾宿如常制臣近自禮部尚書入為翰林學士八月二十一日晚被召至綵殿獲觀盛儀如前所云有旨除唐恪少宰罷徐處仁吳敏相上既授旨復從容語時事久之是日復除順德帝姬一夕凡四

欽定四庫全書

翰苑群書
卷十二

制翊日入侍經筵上曰詞頗逮意既退遣中使至玉堂賜臣筆硯等十三事皆當日殿中所設上所常御者紫青石方硯一琴光螺鈿匣一宣和殿墨二斑竹筆二金筆格一塗金鎮紙天祿二塗金硯水蝦蟆一貯黏麴塗金方匱一鎮紙象尺二薦硯以紫帕匣以黃方啓封時硯漬墨未乾匱中餘麴猶存顧惟韋布書生幸以詞命為職乃被賜人主所御筆硯則知翰苑職親地近非佗要官比如臣鄙陋豈所宜蒙哉異時當革命相制間有



迪志文化出版有限公司出版



迪志文化出版有限公司出版

被此賜者雖故事實異恩且詞臣之極榮也臣既什襲寶藏以傳子孫因記其事以補翰林志缺文焉昔錢思公嘗謂朝廷之官雖宰相之重皆可雜以佗才處之惟翰林學士非文章不可當時頗以此語取怒於人歐陽文忠公自作內制集序猶以斯言為愧末乃云亦以誇於田夫野老而已然則臣之所以記此者亦將以為田野之美談耳靖康元年十月望日記

王寓玉堂
賜筆硯記

先生與僕論官制因言及玉堂故事先生曰且如玉堂

欽定四庫全書



翰苑群書
卷十二

兩字人多不解太宗皇帝嘗飛白題翰林學士院曰玉堂之署蓋此四字出於李尋傳且玉堂殿名也而待詔者有直廬在其側李尋時待詔黃門故曰久汙玉堂之署至英廟嗣位乃徹去及元豐中有翰林學士上言乞摘去二字復榜院門以為臣下光寵詔可是乞以殿名名其院也不遜甚矣僕退而檢漢書蓋漢之待詔者或在公車或在金馬門或在官者廬或在黃門時李尋待詔黃門哀帝使侍中徃問災異對曰臣尋位卑術淺過

隨衆賢待詔食太官衣御府久汙玉堂之署師古曰玉堂殿在未央宮然制度不見其詳獨翼奉傳略載之奉嘗上疏曰漢德隆盛在於孝文皇帝躬行節儉外省繇役其時未有甘泉建章及上林中諸離宮館也未央宮又無高門武臺麒麟鳳凰白虎玉堂金華之殿獨有前殿曲臺漸臺宣室承明耳以此考之則玉堂殿乃武帝所造也僕後以問先生先生曰然

馬永易元城
先生語錄

唐制翰林學士初入院賜設并衣服中和節賜紅牙銀

欽定四庫全書



翰苑群書
卷十二

寸尺上已重陽並賜宴曲江清明賜新火夏賜冰臘日賜口脂及紅雪澡豆歲前賜曆日有所修撰則賜茶果酒脯策試程文則賜設并匹帛社日賜酒蒸餅饅餅等事見唐人文集李邕號翰林六絕謂文學書翰等六事過人李絳初入院憲宗親擇笏以賜之李昉久掌內制太宗朝作相赴學士院敕設賦詩奏謝序述七盛如請真俸給食錢朱衣雙引初除宣召敕諭正謝賜鞍馬之類皆前代所無也太宗好儒嘗宣諭蘇易簡曰詞臣清



文淵閣四庫全書電子版

美朕恨不得為之夜幸本院易簡已寢內侍以秉燭自
牕照之俾其衣冠牕紗燃破後不復補以示優禮帝善
書他日作飛白玉堂之署四字賜易簡至元豐中神宗
一新官制學士與六尚書一等帶皆重金蘇子瞻謝表
云玉堂賜篆仰淳化之彌文寶帶重金佩元豐之新渥
建炎改元予忝召命謝章以七盛對六絕燃牕對擇笏
亦前輩偶然未用天禧元年二月學士院言詔敕詞尾
並云故茲詔示故茲示諭方云想宜知悉內諸道進奉
欽定四庫全書 翰苑群書 卷十二
相承並不言詔示示諭竊思詔詞各有嘉獎之意亦各
標云示諭今欲添入又諸處奏告青詞比來只是用紙
裹角今請委三司造黑漆木筒五十枚凡有奏告封詞
齎往從之 國朝 會要
乾興元年十月翰林學士晏殊等言先朝楊億再為學
士班錢惟演之上今新添除學士劉筠天禧中已入翰
林請如故序班臣等之上從之其後率如此例 仁宗 實錄
天聖元年十月詔翰林學士遇隻日至晚出宿蓋故事

文淵閣四庫全書電子版

以雙日鎖院隻日降麻也 仁宗 實錄
皇祐元年九月以翰林學士承旨兼端明殿學士尚書
戶部郎中知制誥王堯臣加諫議大夫以久在禁林優
遷之也 堯臣歲滿當遷宰臣文彥博以其久任請降此命
二年九月十六日新除翰林學士稽顙未及謝卒詔賜
告敕襲衣金鞍勒馬於其家
至和元年九月翰林學士楊察為承旨知制誥呂溱王
洙並為翰林學士故事學士六員今洙為第七員蓋宰
相過除也
欽定四庫全書 翰苑群書 卷十二
嘉祐六年三月承旨宋祁言久病不敢稽朝謁入學士
院欲帶一子主湯藥從之
七年二月學士院言臣僚上表并劄子陳請事惟宰臣
樞密使方降手詔手書自參知政事樞密副使以下即
無體例去年三月因樞密副使陳升之請郡內批令降
不允手詔當直學士胡宿亦曾論奏以手詔體重乞只
降不允詔而不從其請竊緣近禁動成故事恐成隳廢

文淵閣四庫全書電子版

典故乞自今除宰臣親王樞密使有所陳請事依例或降手詔手書自餘臣僚更不降手書手詔許從本院執奏從之

凡學士院置待詔十人國初承舊制翰林待詔六人寫書詔舊制月俸九千春冬給衣又有隸書待詔六人寫簽題封角月俸止六千謂之東頭待詔雍熙四年廢隸書待詔增翰林待詔十人並兼御書院錄事一人景德二年九月本院言孔目官劉尚祇候錄事一人賓年滿已注宿遷縣尉緣主持書詔尚切須諳練欲乞依吏部銓例置主事或錄事以本司勒留充職詔以尚賓為錄事給孔目官俸自後不常置又五代舊制有主事孔目官六人表奏官六人驅使官二一人周顯德中廢

欽定四庫全書

翰苑群書
卷十二

十人驅使官舊額六人咸平二年初置待讀侍講學士別補驅使官四人祇應及楊徽之卒復以驅使官二人隸學士院因為八人三年四月詔學士院不得額外添人自後再除拜文明資政待讀侍講龍圖閣樞密直學士皆學士院遣守闕驅使官祇應多特補正名遂至二十人景德四年四月學士院上言先準敕表奏驅使官闕人於京百司兩省三館抽差即不曾召保揀試本院見有守闕表奏官八人驅使官十二人今欲以此為守闕定額今後如是闕人即於京百司兩省私名內抽取依三館例召保揀試送中書看詳從之舊又有專知官一人通引官一人厨子六人太平興國四年並廢右六事國朝會要

治平元年六月翰林學士馮京奏樞密使富弼臣妻父也今權知開封府當避弼不許

英宗實錄



迪志文化出版有限公司出版

文淵閣四庫全書電子版

熙寧六年正月二十一日詔學士院今後大遼國書并諸國詔書合要匣復等並自下司取索訖關三司破除仍諭諸處更不申乞朝旨

七年十二月八日詔翰林學士知制誥至中書樞密院議事許繫鞋遇朔望及不因公事依例穿執
十年十月三日學士院言編修諸司式所送本院式十卷編學士員數并錄表疏青詞祝文鎖院敕設宿直之類看詳學士員數繫朝廷臨時除授若表疏青詞祝文

欽定四庫全書

翰苑群書
卷十二

或請禱之意不同難用一律况朝廷待學士禮意稍異宣召敕設盡出特恩關白中書樞密院止用諮報不同諸司乞下本所以吏人差補及官物出入之類並立為式學士所職更不編載從之

元豐二年十一月翰林學士蒲宗孟乞敘班章惇下從之以惇先曾任翰林學士及夏服闋再為學士故也是年十月詔翰林學士並聽佩魚

元祐元年七月詔從承旨鄧溫伯之請學士如獨員每



迪志文化出版有限公司出版

文淵閣四庫全書電子版

兩日免一宿候有雙員即依故事

右六事
續會要

政和五年十月徽宗皇帝御書摘文堂三字賜承旨強

淵明以榜於院

徽宗
實錄

紹興三十年五月太上皇帝御書玉堂二大字賜學士

周麟之得旨於都省宣示宰執俟中祕倖書俾侍從館

閣官咸得觀仰刻石院中仍以石本分賜

隆興元年十一月七日聖旨學士院官經筵官日輪二

員宿直於學士院以備顧問續降旨揮遇赴德壽宮起

欽定四庫全書



翰苑群書
卷十二

居聖節開啓滿散車駕詣景靈宮四孟朝獻國忌行香

前一人及旬假節假每遇筵宴並與免宿

隆興二年閏十一月敷文閣直學士王剛中除翰林學

士以祖諱翰改除禮部尚書直學士院唐制自宰相而

下初命皆無宣召之禮惟學士院在禁中非內官宣召

無因得入故院門別設複門亦以通禁庭也又學士院

北扉者為其在浴堂之南便於應召今學士初拜自東

華門入至左承天門下馬待詔院吏自左承天門雙引

文淵閣四庫全書電子版

至閣門此亦用唐故事也唐宣召學士自東門入者彼

時學士院在西掖故自翰林院東門赴召非若今之東

華門也至如挽鈴故事亦緣其在禁中雖學士院吏亦

止於玉堂門外則其嚴密可知如今學士院在外與諸

司無異亦設鈴索悉皆文具故事而已學士院玉堂太

宗皇帝曾親幸至今惟學士上日許正坐他日皆不敢

獨坐故事堂中設視草臺每草制則具衣冠據臺而坐

今不復如此但存空臺而已玉堂東承旨閣子牕格上

欽定四庫全書



翰苑群書
卷十二

有火燃處太宗嘗夜幸玉堂蘇易簡為學士已寢遽起

無燭具衣冠宮嬪自牕格引燭入照之至今不欲更易

以為玉堂一盛事

右二事
沈括筆談

先公嘗言翰林學士居深嚴之地職任事體與外司不

同至於謁見相府自非朔望慶弔止公服繫鞋而已學

士於內庭出入或曲詔亦不具靴簡若同列齊行前此

命朱衣吏雙引抗聲言學士來直至宮門方止歸院則

朱衣遞聲呼學士來者數四故事學士叙班只在宰相



文淵閣四庫全書電子版

後今之參知政事班位即舊日學士立班次處也近朝以來會敘內殿起居叙班在樞密宣徽使後惟大朝會入閣聖節上壽始得綴台司步武焉吾自延州歸闕再忝內職時與朱崖盧相同列依舊命吏前後雙引既而盧謂吾曰今府尹令尹時皇上開封尹兼中書令親賢英仁復兼右相尚以一朱衣前導吾儕為學士而命吏雙引因令罷去雙引自是抗聲傳呼之儀亦稍罷矣

蔡文忠以翰林兼侍讀兩學士改龍圖閣學士知密州

欽定四庫全書

 翰苑群書
卷十二

自翰林改龍圖出藩繇文忠始也

右二事宋敏求退朝錄

丁晉公自保信軍節度使知江寧府召為參知政事中書以丁節度使召學士草麻時盛文肅為學士以為參知政事合用舍人草制遂以制除丁甚恨之
太宗時宋白賈黃中李至呂蒙正蘇易簡五人同時拜翰林學士承旨扈蒙贈之以詩云五鳳齊飛入翰林其後呂蒙正為宰相賈黃中李至蘇易簡皆至參知政事宋白官至尚書老於承旨皆為名臣

文淵閣四庫全書電子版

楊大年為學士時草答契丹書云鄰壤交歡進草既入真宗自注其側云朽壤鼠壤糞壤大年遽改為鄰境明旦引唐故事學士作文書有所改為不稱職當罷因亟求解職真宗語宰執曰楊億不通商量真有氣性

故事學士在內中院吏朱衣雙引太祖朝李昉為學士太宗在南衙朱衣一人前引而已昉亦去其一人至今如此往時學士入劄子不著姓但云學士臣某先朝盛度丁度並為學士遂著姓以別之其後遂皆著姓

欽定四庫全書

 翰苑群書
卷十二

唐人奏事非表非狀者謂之榜子亦謂之錄子今謂之劄子凡羣臣百司上殿奏事兩制以上非時有所奏陳皆用劄子中書樞密院事有不降宣敕者亦用劄子兩府自相往來亦然此例也是年議裁省百司冗費學士院月給食錢三百千學士食料待詔人更等添給鎖院御藥并人從宣召使行家事例皆用此亦在裁去之數余與宰相論之不從因經筵奏事為上言七盛故事云食錢其一也祖宗舊典近歲未嘗增數豈可與百司弊事同廢哉上大以為然令傳旨如



迪志文化出版有限公司出版



迪志文化出版有限公司出版

文淵閣四庫全書電子版

故朱勝非秀水聞居錄

欽定四庫全書
翰苑羣書
卷十二

翰苑羣書卷十二

文淵閣四庫全書電子版

翰苑羣書題記

翰苑秩清地禁訟唐迄今為薦紳榮遵世蒙國恩父子兄弟接武而進實為千載幸遇曩嘗稔遺事一編竭來建鄴以家舊藏李肇元稹韋處厚韋執誼楊鉅丁居晦洎我宋數公凡有紀於此者併刊之木仍以國朝年表中興題名附乾道九年二月七日番陽洪遵書于清漪閣

欽定四庫全書
翰苑羣書
題記



迪志文化出版有限公司出版



迪志文化出版有限公司出版